

彭澤縣志卷之十一

人物

宦業
義士

武功
儒林

忠烈
文苑

殉難
篤行

遇難
隱逸

附
孝友

兩大間日星河岳莫不有靈秀之氣存乎其間其洩之也為忠臣為孝子為義士仁人以及名儒碩彥潔清隱逸之流皆足以當之古云十里之津香草生焉况一邑乎彭澤襟帶江湖山水明秀前賢過化遺韻猶存加以我國家甄陶化育二百餘年知必有鍾靈毓秀者聯翩蔚起考文徵獻首紀宦業其有品望允合鄉評學行見重士類文藻堪傳藝林者莫不詳誌而備錄之志人物

彭澤縣志

卷之十一

宦業

一

宦業

宋

張夢祥登宣和六年進士靖康中欽宗北轅夢祥攀從被執不屈金主義而釋之歸隱仁磯終身不仕時人高之稱仁山先生祠鄉賢

元

陶毓璿字均政明經修行鄉里推其孝弟大德間縣尹曹靖國表薦於朝授本縣主簿祠鄉賢

明

黃信由貢舉入監洪武二十二年任湖廣監察御史厯廣西按察使尋陞湖廣布政使所至有聲晉右副都御

史剛正不屈彭邑德望公爲首稱祠鄉賢

歐陽尚誠賦性孝友值元末兵亂練眾保障鄉人賴以安堵太祖征陳友諒師駐彭澤尚誠率其眾齎牛酒勞師友諒平召至京師錫以開國殊勲匾額復賜聯云大江東去幾千里白下西來第一家卽授世襲本縣令力辭授本縣丞仍賜鐵券銀碗遣歸祠鄉賢

劉 隆字尚文本姓王洪武中由貢舉入監授廣州府同知勤於政事擢福建參議未幾調廣西閩之士民慕其惠澤上疏懇留轉陞福建按察使巡視海道備倭甚整寇不敢窺居官三十年清操如一祠鄉賢

劉剛仲性冲澹義不苟取事親曲盡愛敬洪武中舉孝廉

彭澤縣志

卷之十一

宦業

二

授浙江仁和令清操苦節有范丹之風

柯振祖性穎敏博學善屬文制行剛方不徇時好洪武中舉賢良方正授湖口學訓諸生肅然

凌守誠洪武間以人材舉用授興化府倉副使以卓異聞擢知浙江金華府有三異政改知廣東韶州府感上特知厲精政績擢應天府府尹居官清白宦橐蕭然祠鄉賢

王 奎字友文永樂初舉賢良方正以母老不就後縣乏令當道檄奎署事時旱魃爲虐奎祈禱精誠入廬山求水道遇僧沈覺顯爲書二符持歸至縣而雨是歲豐稔倍常祠鄉賢

周泰亨永樂乙未進士授廣西道御史巡撫直隸湖廣克振憲度百僚肅 終湖廣按察僉事

劉 昱永樂乙未進士授刑科給事中剛直敢言屢有建白於朝行已端方士諭重之

歐陽剛字元用宏治間由太學生任南京北城兵馬指揮清慎自持授福建邵武督糧通判轉徐州知州力請解組歸之日行李蕭然年踰八旬無疾而逝祠鄉賢

艾 琳由歲貢任湖廣景陵縣丞致仕生平慎言篤行好學甘貧祠鄉賢

陶 圻字仲廣幼警敏不羣識者覘爲偉器補邑庠生督學馮公大奇之取冠多士正德中以歲貢授順天大城

學訓轉山東商河教諭獎進士類名彥多出其門在商河有訟子不孝者有弟訟兄者召諭之以孝弟皆感泣悔過評事劉璿以誑誤杖死櫬歸貧不能葬爲白當道仍捐已俸助之流賊剽掠商河有二女被執誓死不辱爲具聞其事表揚之告休歸諸士攀留甚摯圻博學精書隸所著有五倫箴家禮便宜詠史考正時年六十三不疾而終邑人舉祀鄉賢商河亦祀名宦祠

丁 湛字子一嘉靖己丑進士擢工科給事中正色立朝多所建白轉吏科左給奉命典試己亥扈駕南巡條陳事宜務從簡約官民稱便晉禮科都給事中時嚴嵩當國湛疏發其奸詔杖闕下幾斃謫理邵武邵士乏科目

久湛爲遷學訓課士風彬彬感惠立祠鐫秩量移南曹
擢四川參議會川東大稜湛多方經畫民賴以生者數
十萬人中丞上其事特賜優獎白草寇川南勢甚熾直
指袁奏遣湛剿撫番人效順 貢所歷郡邑祠祀不絕
已而巡浙海道有剿寇功考績離任四閱月矣黃巖失
守嵩猶追罪之落職家居布衣蔬食淡如也嵩敗當道
交薦起廣西參政尋轉按察使平徭獯之變擢陞河南
巡撫引疾歸居二年危坐中庭與二子剖析陰隲書未
竟而卒祠鄉賢

陶欽夔字克諧母夢日墮懷覺而生嘉靖壬辰進士授大
理評事擢御史世宗幸郢中欽夔以扈蹕行時上方嚴

明羣臣兢兢救過不贍河南御史坐謫戍上命擇可者
以聞眾推欽夔倉卒被命百務倥偬咄嗟以辦豫民不
擾於是上知陶御史 賜食寵以金幣河南饑欽夔疏
請帑金數萬賑之全活甚多上賜盡心安輯四字褒之
北敵入寇上疏引宋司馬韓范諸公以責嚴嵩語頗切
直嵩啣之遂補太倉兵備時海寇方熾欽夔剿撫多功
外艱起復備兵襄陽五溪蠻弗靖巡撫林雲同以宿望
薦公加參政備兵辰沅欽夔計擒其酋龍許保餘黨悉
遁南土以甯晉湖廣按察使轉河南左布政使疾作告
歸終於家欽夔器宇淵宏機神敏捷遇事持大體不務
苛察在辰五年尤多奇功今洛楚中俱有祠

欽皋字克允生而穎異八歲能文日覽千言終身成誦年十六母喪蔬食三載鄉閭稱之弱冠補弟子員時大饑卽上書兵憲陳救荒策後師事涇野呂公講陽明之學呂公器之由是厭薄凡近歸作日新考以驗獨知然以斯文爲己任嘉靖庚子以禮經魁鄉薦登甲辰進士授刑部主事改御史因爭辨東廠擅擬人命官呼爲大膽御史庚戌京師戒嚴分守三門運籌巡衛至不遑食者七日時閉城乏薪水民情洶懼皋力疏請開一門賴以不困尋奉命募兵徐淮人樂應募旬日得勝兵數萬事聞上語輔臣曰朕固知其有才也巡撫眞定風紀獨持生平危言讜論具在奏疏中將膺大用竟以疾

彭澤縣志

卷之十一

宦業

五

卒於冀州賚志弗終時論惜之

曾 遜本籍九都橋亭人其先曾永四者從常開平王入郢故子孫世籍郢中爲安陸衛人遜少有大志以聖賢自期遊庠屢試有聲由貢士授金堂縣尹在任八年政教大行嘗捐俸以佐民賦民愛之如父母不合上官飄然引退行之日囊橐蕭然士民繪像立祠以曾孫省吾貴贈工部尙書

歐

號柏菴其先祖奕宋天聖中知江州因

家焉八世祖尙誠從明征僞漢授彭澤縣丞遂世爲澤人一敬生有至性岐嶷不羣登嘉靖己未進士授山令爲政廉平以愛人爲本民多訟一敬剖決無滯

清獄空自奉儉約常祿外一無所取時海 有警浙總制官嚙命勦捕虐御郡縣一敬獨持禮不曲徇取媚總制初欲中之 知其賢更寵遇之薦於朝三載績成內召 人 失慈母爲立祠尸祝旣拜刑科給事中劾罷禮部尙書董份遷兵科都給事言廣西總兵不當用勲臣因劾恭順侯吳繼爵罷之以俞大猷代寇大入陝西劾總督陳其學巡撫戴才俱奪官又以軍政劾英國公張溶浙江總兵官九人不職俱貶斥世宗覽疏謂輔臣徐階曰此豈歐陽修裔乎何文章氣節多似之也冊封襄藩辭王所餽兼金珍異遣賜於家卒弗受自嚴嵩貶言官爭發憤議事一敬尤敢言隆慶初適新庶政有

言官論時事被黜一敬聞而歎曰此豈新政所宜有耶上章請解已職畀之以通言路時輔臣高拱恃講讀恩熏炙一時一敬屢劾拱威制朝紳擅權專國亟宜罷黜已而陳兵政八事部皆議行南京振營兵由是罷去積患遂除中官呂用等典京營一敬力諫事寢以故直聲振朝野俄擢太常少卿乞假歸杜門謝客於公府一無所干己巳京察以清華無忝瑣闥有聲註考劄取供職明年染疾屢疏乞歸解組南旋行至德州卒年四十有八生平慷慨有大節諫垣章疏切中時艱位躋要軸卒之口家無餘貲時論咸痛惜之戊寅督學江公以東

公議祀鄉賢

王演疇應斗孫也字孟箕號震澤萬曆辛卯舉人壬辰進士授南京工部營繕司選廣西桂林知府居官廉潔不苟一錢乞休時家無長物惟古書千帙及石刻各大家帖耳雅好著書善詩賦工真草鏤板刻石寶其墨不減二王著有王氏家訓古學齋醉陶和陶集諸書學政黃汝亨疏請祀鄉賢祠初仕爲甯海令士民感惠立祠曰承思

曹文緯字闇冲號昆吾萬曆辛卯舉人戊戌進士素行孝友謙冲初任刑部主事立朝忠貞不避斧鉞以建言國本不合落職後光宗卽位嘉其忠直賜功在國本匾額贈光祿寺丞祀鄉賢

彭澤縣志

卷之十一

宦業

七

劉日曦字馭初號赤城萬曆庚子由選貢中式南闈壬戌成進士選江陰縣令值魏璫崇建生祠曦遂去官起浙江龍游縣令龍俗苦盜曦以法捕之一時屏跡轉都察院經歷晉南京兵部武庫司郎中勳戚強宗見曦拱服撫循衛軍修明器械兩大司馬交疏薦擢浙江參議未任告老曦素行嚴毅居家孝友每朔望必集鄰里子姪講聖諭六條殫心易理著易經通解暨時習錄鏡心錄舉業發機等書癸酉卒於家督學侯公特舉鄉賢浙亦舉祀名宦

周禮嘉字體亨號筠冲萬曆庚子舉於鄉生而穎異篤孝友因母老就萬安教諭陞四川江津令清操自持時奢

賊據渝所掠郡邑望風披靡來攻江津嘉焚香 天曰
城破我必不生乃廣募鄉勇竭力守禦凡兩閱月知賊
已疲出與之戰賊遂潰孤城卒保隨以監軍同秦良玉
用計擒賊恢復全省兩臺序功交疏特薦應召入京值
魏璫勢熾遂致仕歸人服其識祀鄉賢子易象登崇禎
壬午鄉薦

計成久號葛初中萬厯己酉鄉試任廣東海豐令地近海
倭屢爲患久至廉惠孚民防禦有方寇不敢窺願聽招
撫積寇以平鄰邑俱賴以安海豐爲立生祠崇祀名宦
著有知新錄藏於家

柯友桂字侶仙號籛庵崇正辛未進士授金壇縣知縣厯

彭澤縣志

卷之十一

宦業

八

湖廣驛鹽道擢按察使賦性不阿胥吏多憚之

喻以恕字心如崇禎進士初任工部主事管太倉庫清釐
出納餘羨皆記籍纖毫不以自潤性寡合爲忌者所中
左遷浙江處州府司李恬然赴任益勵冰操治城旦書
輒多所平反乙酉轉秋官郎中更大故旋里未一載賫
志以終少貧家無寸產後亦宦橐蕭然著有硯畚草槿
園集四書詠明詩起古學彙存諸書

何九達字行可號養冲以選貢任來安知縣耿介清慎當
道咸重之致仕歸卒年九十餘鄉人以德星目之

國朝

劉 曉字映藜少負志節

國朝定鼎開黔闢滇曉挾策行 佐參帷幄康熙元年
壬寅以人材授宜章令旋轉永甯知州民以福星呼之
十三年甲寅討平吳逆曉以司道能員之薦取用入廣
從將軍傅宏烈進勦有功授平樂知府隨領兵攻取賀
縣殺賊萬計入奏進取機宜稱
旨授參議道銜賞賚有加禮旋募兵入粵加監軍道隨
師戮力進勦蠻荒所向無敵每以勿殺平民勿擄子女
申戒軍士本年分守廣西右江道西人德之建祠祀焉
缺裁續補浙江糧道詢民瘼革陋規吏肅風清人莫敢
以非禮犯者註上考二十八年
聖祖南巡召見丹陽口

上曰此百萬軍中一書生也賜鹿尾一錫本年夏 病
乞休卒於家曉性孝友尤慷慨好義著有從征錄南北
遊草

劉 堂字衢又號克庵爲諸生刻苦勵行教授生徒卽講
求仁民愛物之理丙子丁丑連舉鄉會授鹽亭知縣有
惠政以憂解去民送之皆泣下時有宦囊似水淚珠滿
船之句人以爲實錄服闋補汝陽令清聲益著 行取
吏部稽勲司主事厯考功文選正郎旋轉給事中掌科
印兼理錢局當

世宗新政勵精圖治堂期年七上疏有嚴保舉以杜濫
進移摧關以全商舶減浮糧以甦民困等議

頗納之最後論科臣與臺臣體統不協遂抗章激臺
臣語頗戇

上以堂平日自稱實心爲國且有膽氣置西塞忒斯軍
中三年

召還堂既自西歸家居猶蒙

聖眷子鎮寶謁選

上溫語及堂者再

清問鎮寶曰爾父在家可好授鎮寶雲南令給假省親
時堂已八旬鎮寶欲請留養堂曰吾荷

聖祖豢養多年厚恩未報今老矣爾當竭力報効母以
我爲念鎮寶殉難烏蒙堂聞之三嘆子能捐軀吾死亦

瞑目矣年八十四卒於家堂在諫垣久凡所奏牘歸卽
自焚其草姪鎮國侍堂 京師記其五疏所著有克庵
制藝鹽亭詩草各一卷子四鎮寶以忠顯見忠烈傳
袁學謨字迪來家世儒術少貧嗜學研經汲古得其根柢
壯客金陵操選政與許泰交及太史王晦友善盡通經
史百家言甲午迄甲辰鄉會皆以五經雋時人目爲袁
五經丁未年五十九以進士授石樓令石爲晉孱邑多
逋賦謨至治以寬政貸民牛種繼出歷年養廉代輸積
逋民賴以甦次勸農田興義學修志繕城掩露豁除樂
籍居七年調繁汾陽汾俗險健下車大書八字於庭曰
冰心到底鐵面無私一時豪猾斂迹人謂治石以恩水

也治汾以威火也皆本經術爲治云又二年以循卓遷
安甯知州旋改處州同知抑強扶弱課士愛民上官皆
之厯署郡篆在金華尤多善政時各郡士民交請
留治者以萬計蓋幾幾平古循吏風焉辛酉年七十三
卒於官謨性孝友厚族黨置義田立規條以明道希文
自期邑復柳洲謨與有力屢校闡事薦士皆得人所著
有居易堂文集浙中新集二集文皆實政學士周長發
序其學有體用司寇劉公統勲曰處爲醕儒出爲循吏
余於袁梅谷見之梅谷謨別字學者稱梅谷先生云

歐陽枚字卜一光長子性孝友寡言笑受學於劉克庵先
生之門爲文簡練有體年十六補弟子員旋登己卯鄉

薦雍正戊申授直隸懷來令政尙寬平以愛民訓士爲
本自奉儉約養廉外絲毫弗取時明倫堂圯枚捐俸重
修與諸生不時講學儒風以振邑罹水災給民籽種冬
則按口捐賑民以慈母呼之初邑西有古惠民渠旗民
構訟案塵莫決枚至不避豪強愷切敷陳請題開渠得
允溉田數千頃全活甚多懷邑路通三口差務旁午枚
晝應差事夜閱案牘嘗自言日一息尙存此志不容少
懈卒於官士民建祠祀之

柯欽錦字毓菁號子亭性英敏沉毅家貧嗜學淹通經史
諸子百家言作文有奇氣甫冠由邑首食餼登乾隆辛
酉賢書試禮部入明通榜補景山官學教習期滿授福

建光澤令任三載勤於撫字補貯社穀創興書院勸士民力學敦行率多善政大吏知其賢調繁侯官省會衝難案牘 集抵任未踰年積案俱清上憲信任益專每郡縣有疑獄悉以委之 不治者俸滿例陞同知撫軍陳以廉能寬平保舉知府引

見記名候陞回任護海防糧廳事刻無甯晷積勞成疾己卯四月病篤顧弟珊囑曰我居官兩地六年未嘗誣一冤枉一法死可不恨但父年近七旬不能終事今復不得面訣罪深重也閱日卒於官年三十有八至今閩人謳思之

凌廣赤字表光號心培少穎異弱冠補諸生乾隆庚午仲

彭澤縣志

卷之十一

宦業

十二

兄汝綿捷秋闈赤中副車旋中壬申 恩科舉人四赴禮部試不第由大挑得山東朝城令會賊匪王倫滋事大兵屯臨清時流亡載道各營汎恐賊雜其中不敢納赤密爲防檢聽之過獲生者億萬人賊平以功晉萊州守未詣任改授浙之金華其先世守誠公嘗守是邦邦人聞而慶幸焉嗣以忤上官解任去明年見天子於武英殿 上曰朕知爾老實人爾仍勉爲之授福建建甯知府郡遇水灾城未沒者三版民舍蕩然赤給貲營建且請蠲賑旋擢福建糧儲道郡士庶繪棠蔭圖送之未幾臺灣亂中丞徐公督同藩臬同視海疆以公有居守才奏請委任全省事是時公身佩數印裕如也後因屬

縣監犯逋匿部議降調內遷刑部主事歲庚戌恭

高宗純皇帝八旬萬壽 恩賜與千叟宴優獎甚渥嘉慶元年秋八月緣病請歸長子鳴盛授廣西藩司少參進直隸霸州知州未赴任而卒公本壬申 恩科舉人庚午癸酉兩科例得重赴鹿鳴未達丙子春始恭請赴宴詔允而七月戊午壽終享年九十

張光考字覲文號耿堂性孝友四歲失怙哀毀如成人事母必得歡心每負粟十數里外易肉以供餐少從其長兄繼考肄業與三兄耀考共一燈讀討論古今怡怡如也以廩生中乾隆己卯副車庚辰舉於鄉辛卯選授龍南縣教諭與縣令冷泮林倡修桃川書院訓課有方士

風日振在任十四年以母喪歸服闋歷署靖安泰和南城新喻學事所至士子以文質者必爲之探討脉絡講貫義理一如在桃川時壬子選授湖南永定知縣永定舊屬大庸衛乾隆元年始改縣地僻民悍稱巖邑光考長於吏治日決數獄無留牘乙卯逆苗滋事官兵由永順進勦俱經永邑修理橋道給口糧難民來境者則捐貲撫恤及辦運軍需火藥無稍誤會教匪蔓延南楚邑東四十里平民爲所誘惑亦約期舉事時都司陸祖德調赴鎮捍守兵少光考預佈偵卒盡得其滋事姓名遣城內外紳士與有舊者先往安輯良善並令擒惡自効潛帶兵役繼之以是悉就捕誅受僞劄者九名餘各配

遣有差自是永邑安堵次年罷歸優遊林下十餘年口
不言貧子錦枝官編修手書惟盡職業戒躁進每謂少
年浮露 名爭進終非遠大之器丙寅得超擢中允信
尤諄諄以感激圖報爲念著有識山堂詩古文制藝稿
十二卷

曾選遇字 庶號衢垣少有至性讀書作人皆凜庭訓幼
聰穎十歲能文出語輒驚其長老由府首拔入郡庠第
一戊子領經魁九赴春闈中間得而復失者不一次而
絕不以縈懷乾隆乙卯恭逢

恩挑列一等籤掣福建與季弟分發山東榮城令選達
同時出都臨別諄諄以勤政愛民致囑入閩署理清源

及潭陽卽題建甯令自攝篆以來撫恤百姓獎進士類
聽獄無大小必再三詳慎務當其情人命重案尤悉心
研究不忍遽置之法且清白自勵俸養莫支諸父老月
送薪米以助其廉戊午科充秋闈同考試官精心校閱
聯捷南宮之曾暉春林朝陽皆閩省知名士是其首薦
也庚申秋七月蛟水衝城破壞民居數百戶遇一面上
聞迅發倉穀賑濟民命藉蘇者千餘人上憲亟嘉許之
癸亥春以病告歸其長子守一適陞安徽休甯令病中
猶取居官切要之端手編一帙幾千餘言以示里旋壽
終正寢享年七十

歐陽大勳字紀常號約齋捷癸卯鄉試乙卯分發山東署

海豐縣事挑修河壩夙夜在公勤勞頗著未至海豐時
邑有狼患又蝗食二麥勳抵任痛自刻責齋戒泣禱城
隍廟願以身易民害狼悉去蝗不爲災越一年授卽墨
令慎刑獄崇學校立孤貧院施給衣食每月朔望必聚
士民於忠孝祠告誡勸論肫誠懇至墨之人樂而安之
如得慈父母三載謝病歸士民交請攀留者以萬計及
勳卒墨之人立祠祀之額曰遺愛聯曰三載仁恩流德
水萬年崇祀比桐鄉勳爲人嚴敬自持不苟言笑性儉
約雖在署中婦女不輟機杼子弟未有衣裘帛者以上舊志
劉種桃字莘餘號仙友少孤力學未冠入邑庠有文名善
書精隸篆嘉慶辛酉受知於吳鑑庵學士首選貢成均

壬戌 廷試以知縣用分發浙江署甯波府通判調
署慶元縣慶固山邑多逋賦桃設法清釐上裕 國帑
下不病民後之官慶者多取法焉旋代理永康篆爲政
亦如治慶時士民悅之明年署黃巖縣黃爲海濱劇邑
號難治俗刁悍每白晝聚掠名曰打竹杠大爲行李害
桃廉得其姓名繩以重法強暴斂迹先是繼桃任黃者
短庫帑委桃查勘補黃缺桃曰參其人而得其地君子
不爲卒爲回護後任得免揭撫軍愈重之補奉化令抵
任後興文教釐積弊政成民和百廢具舉居無何以他
邑事罷吏議罷官家居三十年以壽終子法賢有傳見

方亨衢號雲莊弱冠登賢書以文章名於時母憂不入內
不茹葷酒廬墓以終其喪八次計偕始成進士令福建
閩清爲政有聲家常運貲以自給其介如此三爲同考
官知名士多出其門著有尋樂堂文稿行世弟亨泰爲
名孝廉亦以文顯

凌鶴鳴字載萬號焜生一號于九性廉儉好讀書不事生
產幼失怙奉母訓甚謹登道光辛巳賢書丙戌成進士
歸部銓選家居十二年布衣疏食晏如也戊戌授湖南
安鄉縣知縣安邑素患水向奉禁不得築隄障公爲民
籲上游準築三分之一安民感之名其隄曰凌福垸時
有劇盜李十一者集黨羽踞湖中十餘年民商胥受害

公獲盜首七人而湖面肅明年署長沙同知又明年署
湘鄉篆未幾奉諱歸丁未起復揀發雲南地故苗獞雜
處號難治公初任師宗旋署雲州廣西州繼授大姚縣
恩威並用頑苗猾獠皆懾服後因年邁解組兩袖清風
賦歸田詩有云兒抱圖書女記詩葢實錄也甲寅粵匪
猖獗家鄉被擾公作赤虬髯筆記以示慨丁巳夏蹂躪
尤甚長江水師宮保彭諭公督合邑團練公分爲七團
以靖安團爲合邑門戶稍疏則六團瓦解乃於灤溪街
設局防堵尤嚴其時賊氛充斥邊卡警報日三四至公
竭力營救晝夜不遑安寢秋八月遂以積勞成疾而逝
享年七十有一

字伯颺號樹人拔貢炳馭之子性敏而強記志不
仿黃陶庵尤精楷法既登鄉薦成進士官福
建知縣陞知府鄉闈兩次分房所薦卷少而取中獨多
以 乞病歸宦囊蕭然主講五柳書院一年卒著有
時讀我書齋詩集

張炳文號乙垣父沒三月始生長慷慨尚氣節學務根柢
爲文有國初風力家貧授經知名士多出其門四十領
鄉薦公車三上不第咸豐四年揀發安徽知縣時前任
江西巡撫張文毅公督辦安徽團練建閩徽郡檄調來
營委以軍務六年令建平是時粵逆蔓擾江南蕪湖一
帶悉賊藪總戎秦某戰東壩失利夜奔建平公謂秦某

彭澤縣志

卷之十一

宦業

十七

曰建平爲皖省咽喉建平失皖南皆賊有公膺 朝廷
重寄忍令百萬生靈魚肉平言訖淚雨下秦感動引兵
鏖戰屢獲勝仗遂保縣城旋署歙縣歙多積案炳文至
即理民咸悅之邑有花登蠱者諸無賴嘯聚賭博久爲
民害炳文潛領壯勇捕其魁誅二人宿害遂平上游甚
爲器重加同知銜復加知府銜未幾以病歸年六十卒
高 梯字良謨號雲浦秉資英特弱冠領鄉薦兩赴禮闈
未第值粵逆亂會辦邑團咸豐七年曾侯相統兵下游
梯以彭澤等七縣團防形勝上書曾愛其才留勸戎政
同治元年李伯相潛師赴滬約梯往辦各軍器仗遂復
蘇州降眾洵洵梯遣散難民萬五千餘人悉貲歸里老

幼男婦無歸者恤養之復於宜荆等處勸設粥廠全活無算收塵枯骨立碑存記復濬蘇河克期告蕝李知其可大用命綜理水陸全軍營務處兼管收儲所及常鎮勸農墾荒各事務以功保陞知府賞戴花翎四年代理常州篆糾劾墨吏數人狡猾斂跡布衣草履問民疾苦吏畏民懷常郡大治六年曾李兩節相舉江南四賢員梯列清官第一以彭城當南北要衝奏授徐海道賞加按察使銜官吏聞梯來相戒懼梯單騎赴任一切供帳悉撤去邳宿間土匪猖獗隨時戡定擒其渠斬之獷悍之風頓息當是時軍事旁午梯首興書院以作士氣教紡績以課女紅偶見荒塚夾道捐資置義園徐民德之

梯每判軍帖及地方政務夜分方寢不合輒達旦不寐疾作增劇猶抱文書不釋手家人強奪之乃已終以積勞成疾卒於官時庚午二月年四十有一馬制軍李伯相合疏奏梯貞介拔俗刻苦耐勞不遺餘力真能視國事如家事章入蒙 恩追贈光祿寺卿入祀徐州昭忠祠長子善承蔭州判次善繼幼善述俱邑庠梯著有心傳摘要梓行

武功

歐陽瑤字中黃號鎮垣由武生効力補南湖營外委署理本縣城守事嘉慶元年教匪滋擾四月派調帶兵湖北攻當陽縣東門身受火傷不退賊以鐵鈎揭之幾被

瑤揮劍斬賊手奪其矛六月圍勦南門擒匪目席雲豐等身被石傷給千總頂戴七月圍勦西門擒匪目陳大加守備頂戴當陽平議敘軍功加二級護理荊州營參將印務嘉慶二年攻長陽縣宗堡寨擒匪目覃加耀進勦川陝賊匪窮追千餘里嘉慶三年雲南提督文拔爲翼長帶領河南安徽湖北江西兵勇追勦湖北興山鄖襄一帶賊匪沿途接仗疊受重傷積勞成疾回籍調養適甯州匪徒滋事檄調赴省借補奉新城守奉爲甯瑞要衝竭力防禦賊不敢入境差務絡繹毫無貽悞嘉慶九年奉

旨補賞一等醫藥銀兩瑤戰守二十年屢著勞績卒以

彭澤縣志

卷之十一

武功 忠烈

十九

疾終未竟其志

忠烈

宋

顏希孔任本縣主簿德祐間元師陷安慶進薄江州希孔率民兵八百人大聚舟楫各載巨石接戰江中飛石四擊鼓譟競進敵幾敗已而石盡力屈被執死之民求其尸葬於鳳凰山麓祀名宦

元

劉受二五柳鄉人至正間以貢任池州府推官張士誠倡亂受二領兵戰於城西渡口敗績眾皆逃受二還城死守城陷不屈死之

明

歐陽尙八尙誠之弟也從征友諒奮勇直前遇害喪元猶

乘馬馳走如生至家乃墮祀鄉賢

通志

王廷翰勇敢善射正德己卯逆濠之亂遊兵劫境翰率子

弟鄉兵奮前擊賊連斃二人矢盡力窮爲賊所害

通志

洪維榦字楨南號元礪萬厯甲午舉人任四川梓潼知縣

時奢酋爲亂榦誓死守遣眷先歸募兵乘城叛戍陳大

義等爲內應城遂陷縛榦說降不屈賊斬兩僕以懼之

榦不爲怵惟求坐正堂而死賊許之榦乃衣冠北面再

拜賦忠字詩九首有呼籲知難通帝座魂飛萬里只孤

忠之句遂遇害事聞勅贈尙寶寺正卿蔭襲嫡子九江

彭澤縣志

卷之十一

忠烈

二十

衛千戶祀鄉賢著有春秋倫訓行世

通志

國朝

宋衡若宋六習十二都鄉勇也康熙十三年十月土寇陷

湖口及彭澤縣令喻良知力不支攜印衝城而出城遂

不守寇大肆焚殺四出劫掠至亂石灣口本寨鄉勇合

力競奮橫截賊路格殺數寇衡若六習二人爭先格鬪

眾寡不敵遂被殺事聞本府嘉其義勇檄喻良優恤其

家

劉鎮寶字楚善號恕齋給諫堂三子少讀書十行並下通

經史素以忠貞自矢堂在軍塞鎮寶隨焉雍正三年

詔歸五年由舉人試中翰

世宗問其父堂家居狀鎮寶對稱

旨

上謂鎮寶明白精采特簡雲南知縣鎮寶請假省親許之至七年抵滇時相國鄂公總制滇黔廉其才委以鎮雄州丈墾期月報最鄂尤重之 題授烏蒙通判分駐大關鎮事兼守令鎮寶撫循苗疆勤慎有法不二年而邊政肅清建城設堡民歌頌焉八年秋逆蠻寇烏蒙蒙距大關頗遠鎮寶在滇省聞變鄂公以其有邊才使馳烏蒙調度鎮寶星夜馳數百里及至城下賊氛大熾招撫勸諭皆不聽遂冒矢石入城與都司劉崑守備馬秉倫知縣賽枝大等悉力禦敵崑等陣亡鎮寶猶率家僕

劉陞陳紹與賊巷戰殺賊無算至力盡罵賊不絕口遂遇害大兵平烏蒙始獲其屍於城北隅已暴露十餘晝夜殮之面色如生事聞

天子追悼贈雲南按察司僉事遣官致祭崇祀忠義祠賜全葬知縣何炳奎爲誌墓表道鎮寶殉難年三十七有 御製祭文

汪 銓字熙載號立齋守備琮之子少英敏隨任漢江知忠孝大節援例授府參軍籤掣秦省歷署縣尉州佐上憲重之乾隆甲寅冬補漢中經歷明年春委署褒城令褒小而衝素稱難治從容布置不踰年而事理民安復委兼攝沔篆往來兩邑之間多善政每念褒邑土城難

備不虞遂捐廉築建并修巒序暨文昌閣魁星樓又以城苦缺水於署西相地鑿井得甘泉民卒賴焉時教匪滋擾羽檄紛馳軍火儲精轉輸絡繹絲毫無累民間丁已夏賊攻褒日夜率士民登陴守望誓於眾曰城亡與亡宰之責也第何以保我民百姓皆感泣乃募壯勇增軍械挖濠濬渠戒嚴以待賊直犯城下見有備而退是秋賊破留壩司馬齊公司獄黃公遇害聞信馳往殯成禮並收同知印篆撫軍永保亟嘉之卽委護留壩事制府松筠至留謁見時力陳棧內官民疾苦爰設法調劑是冬奏請實授褒城令制府長齡以軍糧孔急檄調從戎司一切度支出入十月賊擾鳳翔各邑制府督師堵

勦四路供運無缺因題擢留壩同知辛酉三月運餉楊鎮營遇賊於城固之大壩力戰身受矛傷十六處罵不絕口遂遇害時年三十有五撫軍陸有仁以事聞恩旨悼贈知府照例議恤給雲騎尉襲次完時

恩騎尉世襲罔替祀名宦忠義鄉賢各祠

以上舊志

汪國泰字履成佐卿其號幼儻不屑理生產道光間投九江水師營由額外補鄱湖營外委旋署姑塘千總咸豐四年粵逆犯省垣泰仗劍赴援報奮勇守省城賊不敢逼竄外郡泰隨營追勦至武甯王家店每戰必先殺賊無算賊負隅不出泰請於主將領本哨兵破賊賊方列陣泰衝入大呼殺賊馬蹴塵起賊皆辟易斬數賊首

拴於腰乘勢又擒一賊賊奔追至隘深入被圍自午至申救莫至麾下兵且盡遂被擒賊愛其勇欲降之泰怒罵不絕口賊恨甚釘手足於版礫之事聞 卹襲如例子文亮襲世職現投撫標報效

凌註經字序琮號陳五進士鶴鳴胞姪也八歲能文年甫冠補弟子員時粵匪東踞經欲仗劍從軍以親老不果行歲丁巳賊猖獗經患之急商同志舉團練而諸同志皆以九江未復懼後患意未決經曰不然我

國家仁澤洽於民人心厭亂久矣何懼爲同志皆感奮八月十八日集健勇數千人夜三鼓圍賊於九都之橋亭殺二百餘經乘勝立團局於柳墅各要害遴勇以死守

彭澤縣志

卷之十一

忠烈

二十二

當是時縣境未復四面皆賊經以一隅捍巨寇人多壯之而賊報復之心終未釋也九月賊由建邑官營窺九都嵐陵寨我勇擊退之十月初八日賊復聚由邛家壠石灰嶺小浩等梅嶺等處來犯我勇又擊走之由是賊恨甚十月十七日皖省大股賊數萬突至經調練勇守各隘身率六百人戰於澌村三日夜弗懈殺賊數十人賊渠一名奪大旗十餘面澌村固山河我勇藉河而守二十一日賊從下游渡抄我勇後腹背受敵經知勢不濟振臂大呼曰殺殺身先陷陣麾下隨之者尙四十人後賊益眾經中礮死餘勇皆殉是時義聲震當路彭侍郎曾爵相以經忠勇奏 恩贈府經歷銜賜三代雲騎

尉世襲 恩騎尉

陳東壁家貧負奇氣咸豐三年本都起團抗賊戰必先得六品軍功丁巳秋僞指揮楊賊過境壁走召征豪等團襲敗之於法通寺斬馘百四十活埋二賊婦楊盡棄所有遁恨壁入骨會官軍復彭澤小孤賴賊奔建德楊投之收集散亡得三萬眾十月三日復來寺前李村修舊怨鄉團勢單戰不利隊長李寵之突陣被擒楊見其矯健疑爲壁李不辨而罵賊竟支解之時壁實從大軍收復景鎮殺賊陣亡咸豐十一年彙奏請照四品以下陣亡例 卹蔭如所請

陶占魁字汝梅少孤貧有大志道光季年入本郡營伍咸

彭澤縣志

卷之十一 忠烈

二十四

豐初粵匪犯湖南魁隨營進勦以戰功保七品銜五年入曾爵相營充戈什哈補小孤汎外委旋擢右哨把總七年報奮勇隨李總戎勦賊撫州連獲大勝殺賊無算生擒賊魁數人賊夜襲我師魁開壁力戰賊敗退追至河防村墮賊伏衝突不出遂被殺援師至奪尸歸斬所獲賊渠首以祭焉事聞祀昭忠祠子兆元襲雲騎尉世職

彭振達字羽儀性慷慨遇事敢爲咸豐五年二十都倡辦鄉團振達任團總時小孤爲賊巢游賊四出脅民從逆十月犯彭建交界之青山橋離團寨僅五里達與族弟舉人振瀾議曰賊輕我鄉團新起不先聲奪之恐難自

立夜信城山營約他寨並起黎明與賊遇鄉民素未經戰勢稍却振遠聲言官兵大至號召他團分兩路迎戰賊潰追殺數十人獲器械甚眾鄉團之聲大振明年縣城摩小孤山達皆與焉未幾撫建告警蘇官城山等營皆撤鄉團勢遂孤然賊入村肆擾遠必計殺之有偽傳臚僞指揮率數十人過境勢張甚遠夜殲之時畢都戎在鄱聞之嘆曰此皆賊魁也省官兵力多矣七年官兵復縣城合邑起鄉兵仍以遠總二十都團務八年五月偵知賊撲卡初四日達檄他團未至夜四漏率本團禦於歐陽嶺賊至見人少攻愈急鄉勇將掖遠退不從曰吾固知事不遂遽退若七寨生靈何惟一死以謝桑

梓耳力戰被執刳其尸時五月五日也事聞 卹襲如例

陳炳章字朝聘號縉卿偉軀幹警敏饒膽氣善醫續筋整骨效如神尤精鎗礮少時蠡湖遭風孤舟暮泊有小船十數蘆中來漸環集蠡湖故多盜同舟皆自危章從容取火鎗僞與客侶賭戲指擊空中雁波間鷗鳥應聲悉中盜黨咋舌相引去粵匪陷縣治同兄炳南練豪團勇聯絡都鄱與城山營相犄角賊相戒不敢犯一方賴之七年彭宮保帥水師復湖彭札委歐凌二進士暨炳南督通邑團章爲豪團總堵勦協宜旋從收建城復景鎮敘功保縣主簿辛酉夏建鄱潰防髮逆入犯章鷗勦之

前後殺賊魁數十五月朔賊積忿悉銳數萬撲卡章部
署都邑勇由右紮竹嶺征團勇由左紮光霜嶺本團出
中路趨銀坑嶺自領前鋒破敵從卯至未連勝四仗追
北二十餘里右翼勇飢先退賊因以千人由竹嶺抄我
後章親爲殿且戰且走族姪大文戰死章回救失足跌
落山塢遂被執賊帥搜章身得名片及點勇單咤曰若
非豪團帥耶以若材武肯從我誓共富貴章張目不答
索酒飲盡高歌賊知不可屈攢刺死時年三十五同治
元年曾相彭帥奏請追 贈鹽運司經歷 卹蔭如例
章無子嗣孫星海襲職

歐陽靜字春蘭仁山其號少聰敏讀書知大義嘗曰大丈夫

彭澤縣志

卷之十一

忠烈

二十六

夫當志其大且遠者因棄而就武生平喜濟人急道光
間應試歸過湖口旅次聞哭聲問之乃因貧鬻妻者靜
囊空只一裘售十金贈之夫感其義謀乃寢咸豐五年
倡團練謀襲賊城者再曾爵相彭部堂皆器之論功保
把總己未充武孝廉庚申冬賊竄二十都之八房將逼
二十五都靜夜走數十里督勇百餘人戰於谷子山賊
稍却時雪霽泥濘馬不得進賊潛尾其後遂陷陣死事
聞 賜卹 予世襲

洪兆虎字茂卿號嘯山趨捷有智略少應武童試詣舅借
資斧未曙倚門假卧舅夢虎蹲於戶驚晤異而贈之遂
易今名入武庠旋投九江伍咸豐初以病假歸時粵逆

擾江皖縣城陷虎憤甚隨城山營勦賊兩襲縣城虎皆
與焉無何城山營撤虎徒步謁江軍劉方伯於潯命將
一營虎善訓練得士心戰輒勝七年克景鎮復饒州諸
邑論功擢守備加都司銜 賞戴花翎十一年賊犯撫
州江軍進勦虎爲前鋒連獲勝仗斬馘無算六月初八
日勦賊金谿擒其渠逐北七十里賊奔竄五里亭虎尾
襲之地險界兩山樹木環路馬不得進莽中伏突起遂
遇害沈中丞上其事 卹襲如所請子錫恩現投撫標
學習其英爽綽有父風云

袁發魁字如竹號筠生幼沉篤不妄言笑弱冠入武庠咸
豐七年合邑起鄉兵禦賊以魁英特舉二坊團總九年

彭澤縣志

卷之十一

忠烈

二十七

議敘營千總同治二年賊復犯縣境各鄉團屢敗四鄉
多賊踞縣令趙宗耀急募練勇任魁以守城事當是時
各鄉避賊來者日以萬計皆恃魁無恐而魁率數百孱
卒以一隅捍大局城之獲全魁有力焉四月十七賊悉
眾來犯魁禦於城南計家橋時夏漲橋沒汎濫如小川
魁倚水爲陣賊撲犯我軍悉殲之相持至日晡賊偵無
伏潛遣馬隊抄其後遂被執誘之降不屈賊怒裂具屍
時年三十九事聞 卹襲如例

朱詠香字佩鑒號諒齋年三十補弟子員咸豐七年官軍
復縣城合邑練勇禦賊香爲九都團總九都路通 饒
爲合邑門戶時沿江逃散餘匪多嘯聚於鄱建 我邊

鄙各卡守禦無虛日惟九都賊不敢深入八年隨官軍
 克景鎮復浮梁建德兩城敘功保府經歷 賞藍翎同
 治二年股賊上竄香隨官軍進勦於饒州之崇光渡力
 戰身死沈中丞上其事 卹襲如例
 歐陽開第號蓉泉邑增生同治二年館孝廉張恂家時賊
 犯九都之南鄙第聞警促嵐陵起鄉團禦賊自領隊督
 戰不利越山谷召他團為外援途遇賊伏脅之去不從
 罵曰吾恨不能磔汝肯從汝作賊耶甘死於此欲強移
 寸步不能也目視賊欲裂賊怒殺之母氏劉亦於是日
 在家遇害事聞 恩予三代雲騎尉世職

彭澤縣志

卷之十一

忠烈 殉難

附

殉難

周紫墀	洪立寅	謀琢之	洪培愿	鄭蔭高	彭伯高	彭鼎新	詹文彩
咸豐七年冬白茅祠	從九恩予世襲	同治七年夏十於	生員同治三年代世職	從九同治二年代世職	七年鄉導青山橋陣亡	文生同治三年代世職	弟隨曹宅遂及詹彩死
鄔有能	歐陽恆	劉美鰲	甘元音	僧靜台	曾騰飛	彭時殊	徐馨蕙
藍翎於甯國陣亡	庠生同治三年代世職	生員同治三年代世職	例貢生咸豐十年冬	戰刺死彙請善烏鎗	四品軍功同治二年	子振瀾辦團賊自經	甲團長禦賊一於指而

馮國重

曹發中

禦賊於冷水壩陣亡二

汪續

監生銜曾相偵探予

程燮元

生員辦團出力不屈

楊林蔚

文生同治二年禦賊

僧悟禪

貞持如寺住持賊欲毀

袁發魁

有職生傳

韓和義

戰與賊死

韓永祥

韓甲喜

沈秋望

王能容

皆從死

凌註經

增生

凌炳就

戰漸死村

陳裕美

被獲閉

陳雲峯

從死

饒士英

勦賊

劉欽主

邱以健

文童生

何普和

曾承賢

曾蓮品

凌表東

凌一鳴

凌維翰

凌繼晷

凌孟勳

凌悅智

凌華祿

周瑞珍

以上文童

宋永高

劉正義

邱兆桂

邱兆達

邱能增

邱鵬翔

邱輝烈

彭澤縣志

卷之十一 殉難

二十九

邱思之

黃蒼然

邱克振

邱克家

曹彩章

曹成章

王美建

宋新科

宋迪爨

宋能拔

宋麟趾

朱聲應

陳介繁

曾雙貴

張冠常

何厚貴

汪云謀

張見賢

甘夏林

甘年林

甘甲第

甘錫球

甘超遠

何汝云

甘新春

宋志賢

宋應時

宋敏三

宋宗文

曾六典

黃文鳳

黃俊元

宋光孝

歐陽孔巖

歐陽玉林

宋金遠

程其香

程發春

張春容

黃超海

童春茂

曾品之

丁添德

劉金枝

王正茂

張眾喜

沈桂生

沈維新

施運舟

程金唐

葉家仁

丁會通

汪培廣

凌彩雲

凌悅來

凌遠馭

凌美祿

凌壽南

凌杏林

凌羣攀

凌惟厚

凌煥六

凌有樂

凌柏喜

凌丁魁

凌桂老

凌員喜

凌滿老

凌品節

凌胡貴

計騰雲

張六女

張如仁

張華枝

計美寵

施巧福

胡樹臺

汪坐平

馮甘保

馮義保

曹隆遠

凌新友

馮則寬

施桂枝

凌煥遠

以上皆鄉團於同治間死亡俱祀教忠祠

朱詠香

職生有傳

丁甲春

陣亡

彭澤縣志

卷之十一

殉難

三十

歐陽開第

增生有傳

馮正義

嵐嶺陣亡

計基林

計玉珍

施克恕

沈榮桂

皆灰嶺被殺

計春生

夏望澤

皆袁家陣亡

朱向春

長守卡團被殺

朱其發

灰嶺被殺

朱心悅

丁初福

周慶豐

皆灰嶺陣亡

曾騰瑞

被賊拷死

張配華

周廣耀

程文明

皆漸村陣亡

張愷

監生被殺

程明桃

漸村陣亡

宋聯雲

增生襲賊死

饒旭

監生郭家橋死

龔炳瑞

饒蘭惠

饒香瑞

皆從死

宋有望

張廷英

宋富保

張廷昇

張樂記

俱港下陣亡

宋光耀

宋元亨

宋朝棟

宋廣琺

宋光明

俱蔣家陣亡

王為愛

王為凡

王初佑

宋和生

宋蘭芳

宋四德

宋茂節

俱苦栗陣亡

宋廉善

文童死

宋宜常

何灣被殺

劉煥采

禦賊被殺

何勳周

丁茂松

甘喜年

洪高學

宋繼蘭

曾鴻鈺

陳超凡

汪用才

方慶元

俱白茅陣亡

彭榮桃

陣上彭亡

陳監周

彭榮三

皆陣亡

李寵之

東事見陳壁傳

陳再文

歐陽永泰

從龍之死

李冬得

蕭家嶺死

陳官佩

太平橋陣亡

陳東璧

軍功傳

柯如道

七年陣亡

何玉輝

陳燦明

汪廣和

曹火生

方燦東

柯魁顯

俱守卡陣亡

彭孔彰

彭均樂

彭振達

從几傳

彭攸樂

彭澤均

彭昭貴

彭德昌

宗象海

李周南

柯運昌

柯玉竹

柯灶喜

彭紀生

柯申錫

柯友初

柯鳴玉

俱歐陽陣亡

陳炳章

有傳

陳大文

軍功陣亡

宗郁文

許灣戰死

彭澤縣志

卷之十一

殉難

三十一

傅正曜

王樂老

俱守卡陣亡

嚴立高

李以忠

汪啓琨

鄭五香

彭亮生

李春香

俱守卡死

張春生

馮經榮

張大廈

張瑞武

童啓明

俱破縣城戰死

吳立功

譚功安

喬以德

俱湖死

泗水

朱陔綿

曹奇瑞

俱陣亡

汪盡善

汪觀蓮

陳啓謀

俱樂官陣亡

汪有元

守卡被殺

歐陽靜

武舉有傳

陳惟悠

被賊執尸火

馮元顯

歐陽儀鳳

八品軍功

孫能安

顯昆

歐陽源昆

陳雲岫

陳為高

張協和

張連如

張騰盛

童鳴鳳

童凌霄

童昆光

童新銘

盛天成

盛南松

歐陽雲梯

歐陽萬遠

歐陽鳳展

盛行有陽俱靜隨死歐李芳滋拒郡庠死生段思孝身殺賊死賊彭紹恂
方成敏 彭紹渥賊八年禦汪樂喜江高甯梯採入

附

遇難

陽歐 羣泰生監 汪飛鵬生武 陳開南頂八戴品 劉煥耀生監

陽歐 炳昕士儒 何一鳴員生 陽歐 薰和職誥 張星煌舉武

何馨生監 王鳳階員生 彭海珠貢例 石耀崑童文

劉象藻員生 陽歐 葆貞生邑庠 陽歐 敘典 項燦實鄉

李咸章郎登仕 陽歐 其中 汪廷颺生監 周華泰頂八戴品

陽歐 能信生監 張鳳翥生監 劉鍾英士儒 陽歐 天章

張懌生監 陳和羹八品 陽歐 備美 張若濟生監

彭澤縣志

卷之十一 遇難

三十一

陳慕南生監 柯維哲 張樹暄生監 劉贊蓮士儒 田錦張

張松茂生監 劉道南童文 劉法清 曾凌漢童文 游能敬生監

田光前 曾樹炳生監 陳國發生監 田厥良 朱新棟實鄉

魏鑑箴生監 田相呈 項國琛員生 丁達德士儒 田南斗

田騰耀 劉萬煊 葉上林 李和尚 周禮門

田翔雲 鄔美常 黃翠羣 葉榮耀 江連三

田清華 劉萬鍾 劉法堂 宋有光 汪登榮

田善謀 汪貴生 劉一紅 宋映霖 汪博九

田易得 張金玉 劉發旺 王春榮 鄭鴻恩

田耕餘 馮際康 劉可行 凌壽儲 鄭鴻儀

汪照韓 汪思正 劉順行 方覲宸 宋開甲

汪永茂	汪啓宇	劉春旺	方學遠	胡大經
汪賢哲	汪廣發	高芳玉	方得珍	傅能材
汪朝翰	汪慕郊	高志育	方黃珍	王鎮北
汪崇信	汪宗美	高定波	方長貴	謝正興
汪景皋	汪名照	項濯之	陳黑保	劉星煌
汪進之	汪友秀	項子良	陳若琳	劉時可
汪榮魁	汪明善	馮得喜	陳瑤枝	李懋賞
汪國器	汪宜榮	馮可樂	陳青枝	李象明
汪善發	方感恩	王龍文	陳遠善	石滿喜
汪和鳴	方綿恩	曹傳之	陳平貴	彭林月
汪玉廷	陳慶昇	黃金斗	馮時省	彭更有
彭澤縣志 卷之十一 遇難 三十二				
汪正大	陳紹興	朱清一	馮能三	彭宜茂
汪懷刑	陳玉山	吳秋樂	周流沔	彭得之
汪悅蓮	王積善	徐從達	陳明順	汪東美
汪清蓮	王彬福	汪榮瑞	嚴惕勤	汪仁本
汪俊傑	王慎義	汪楚选	周杜春	汪自先
汪蘭琦	王珍福	汪宗翰	李茂發	汪明文
汪羣賢	王永明	汪雙福	傅玉衡	汪美先
汪遇貞	汪達節	汪士傑	劉鳳祥	汪烟景
汪心畝	汪春第	汪有才	游漢江	劉立本
汪豐年	汪門生	汪展綸	陳雪之	劉福之
汪煌輝	汪輝光	汪福壽	陳朝青	劉福易

汪瑞麟 汪蘭興 汪超羣 陳魁武 易映輝

汪光元 汪召景 汪輝禮 陳仙琪 曾庚吉

汪春輝 汪有節 汪暢茂 汪廷堯 魏重輪

汪玉峰 曹時省 余懷亮 余榮高 王燦美

陳國豐 陳大有 黃煥文

孝友

李時建安鄉人冬月母病思得魚羹時攜筓求諸港終日弗得伏地痛哭俄有老叟問之告以故曰傷哉貧也乃導之一港使舉筓遂得鯉歸作羹奉母病卽痊今名其港曰母鯉港至正壬戌詔旌表其門

黃 貴字天錫號曉厓由貢監任徽州黟縣丞少居父喪

彭澤縣志

卷之十一

遇難 孝友

三十四

鄰家失火延燒將及貴一無所顧惟撫棺號慟哭聲動地眾憐而輦之火尋滅

明

陶 榮字貴顯厚重簡默事親至孝親疾必親理湯藥四時新味親未嘗不敢嘗親喪哀毀泣血及葬廬墓三年不脫哀經居繼母祖母喪孝誠無間以醫名世壽六十七終

劉仕禴字維時嗜學恬退父疾晝侍湯藥夜清枕席奉繼母章氏無間言章前夫之子竊金家人言之禴若弗聞曰失母懽心得金何益耄年扶杖登邱壟猶潸然泣下死之夕懽然曰今得侍父母地下矣其孝心純篤如此

王守中字一道號繼存割股愈父疾母喪廬墓三年朝夕
奠祭如生逆濠之變縣不守守中椎牛釃酒斂眾殺賊
擒二渠魁餘分竄鄉人賴以安有友諶某者二子皆不
肖一日攜千金授中曰唯子可托故相累以養衰年有
餘子自取之諶歸忽暴卒二子方爭不已中間卽負金
還之二子感嘆爲改行生平潛修不求人知別號不欺
以自勵云祀鄉賢

周禮讓邑庠生字我華幼孤事母至孝年七十常作兒舞
以娛親口不言老閭邑公舉其孝屢與鄉飲歲祲捐廩
賑乏稱貸者輒焚其券有鬻妻者代贖之其孝義至今
膾炙人口子孫世居城內代有科甲皆以爲盛德之報

彭澤縣志

卷之十一

孝友

三十五

云

劉克仁字本心早失母事父善色養執喪如禮結廬墓左
朱草生羣鳥集中丞朱公廷聲奇其事撰至愛說遺之
仲子鑲亦以父之事祖者事父人謂劉氏世孝

畢 泰號舒庵性篤孝壹志溫清不求聞達父卒朝夕哭
踊幾至喪明母喪廬墓虎至不懼歲祲收養族人之乏
食者壯未受室貧不能讀書者皆飲助焉

國朝

周易元字長文號髻岑登甲午賢書學正守嚴性尤篤孝
早失怙泣血廬墓邑令董襄以其孝聞司理胡公宗虞
旌其廬曰閔曾匹亞後仕宜春教諭

時道明府廩王性至孝舌耕養親因父食茄致疾泣墓三年終身不復茹茄母病衣不解帶者七晝夜初聘殷氏女未嫁得痼疾殷欲易婚道明不允至殷死乃娶館宿松拒私奔女有貸以資者聞鬻婦卽焚其券更贈以金縣令董襄以孝義旌其門

沈壽兒凌伯權妻之前子也八歲看演葵花記感刲股事越二月母病壽兒禱於天效其狀密割臂煎以奉母次日創甚不能起繼父問之給曰臂患癰欲視則堅覆被臥少間再問則曰痊矣忍痛侍母如常時明年夏脫衣見癩母大驚壽兒佯以卽前病癰處母熟視泣曰得毋吾病時割股耶凌曰若赤子何曉此壽兒不得已以實

彭澤縣志

卷之十一

孝友

三十六

對嗚呼八齡孺子尙知割股以療其親爲成人者當若何乎當日之旌表弗及也

陳以思陳其位子也嘗割股以療父疾後其子生員陳復亦割股愈親病孝子生孝子可以徵天道焉

汪懋映縣令董襄舉其孝司理胡公旌之

曾立羣字宗乾康熙癸巳 恩科舉人三載失怙事母計氏以孝聞庚寅赴考道聞母喪跣足匍匐走十餘里號哭不絕聲抵家水漿不入口者三日母葬居廬三載與兄立用食必共席兄或外出晚歸必迎至中途孝友之風至今感嘆

何邦準字聖音幼失怙母教之學卽知自勉長補邑諸生

一日母頸患毒鍼藥莫施準口吮膿血五日而愈及母卒茹素三年生平仗義有肝膽時邑有里役遞年諸弊準力請革除至今稱便又有同里某貧極尙累虛糧三石比追幾斃準憐其無辜爲遍請前買主攤除若干餘悉代賠其好義又如此

計大衍字易象天性純孝竭力事親養不缺勞不怨身抱病猶扶杖詣寢門問視臨終囑子婦曰爾善事祖母吾得瞑目矣弟兄四貽置田產但收荒蕪人稱薛包之亞葉本和字次惠事母氏周極孝養母年六十九病幾危和夜禱請以身代割股和藥母飲得愈及母卒廬墓三年後其子宗權母病時亦有嘗糞割股之事人推肖子

彭澤縣志

卷之十一

孝友

三十七

計必達字又逢庠生天性孝友母病侍湯藥衣不解帶兄死鬻產以殯又分資給寡嫂有古人風

曾宏建字象文幼失怙家極貧事母孝忍飢寒以奉甘旨及母卒哀慟久而弗懈死時囑子曰吾母備嘗艱辛未獲厚葬今家雖少裕爾等當以吾之葬父母者葬吾慎勿從厚彌留之際猶惓惓不忘如此

凌志慧性孝事親色養不怠子欽拱克承父德侍疾居廬無所修飾縣令劉進贈以一門雙孝匾額

易宏觀字陔生歲貢生性孝年十三父沒哀毀骨立母患痰疾觀口吸代吐母卒葬荒郊觀結廬墓側鄉黨稱之畢增輝字襄庭邑增生性篤孝以訓蒙養親雖貧甘旨必

備及親沒執喪三年哀如孺子每逢忌辰必備酒果以奠丁巳元日母柩火延輝拚力護救抱棺而死聞者傷之

丁 蓮字茂寵家貧爲諸生不屑屑於科舉之學以行巳敦倫爲本嘗讀詩至相在爾室躍然起曰聖賢提耳之教莫著於此門堂戶牖皆以四字銘之自少以孝聞鄉里父沒居止常依其母後館於姻舍聞母至軒渠提舞如嬰兒母去卹卹若有所遺居喪處墓側晝夜攀樹而號逾月毀沒知與不知皆哀之

時 至字建五邑庠生家世業儒父早沒每讀父書必涕泣母老多疾侍湯藥衣不解帶倦則倚床而暝母憐之

彭澤縣志

卷之十一

孝友

三十八

曰兒不堪矣復改容承之母故廬墓三年以哀毀致疾臨終以父手輯先儒格言付子其終身思親如此

饒卯君農人也母病痿痺涕洟交流每食卯君以身掖母卽與共器而食見者輒唾安之弗覺也如是者二十七年及母死每過墓必泣徘徊依戀如孺子焉其孝得諸天性者如此

朱允侶九都人幼失怙與母相倚母病篤允侶祝天割股和藥以進病得痊居常晨昏定省靡不曲盡母沒數十載一日夢母曰吾兒歸矣旋發癍痕而死享年八十

汪 鵬字敦誠邑庠生生母早喪時切思慕或言及輒潛然淚下父病竭力延醫不以貧少懈居喪三年常如新

喪之日事繼母得歡心臨沒出館貲囑妻子曰留此以養吾母

周汝金性孝幼喪父哀毀幾不起母病癱二載金口吮膿血母死哀毀亦如喪父斷暈茹素者五年鄉人稱之歐陽賞字紹師邑庠生性孝友勇於學弱冠能文章有聲庠序母程治家嚴肅年九十餘孫曾數十人或少失母意必呼而撻其所尊賞時年幾七十常跪而授杖於庭杖重則喜杖輕則憂或不杖必下氣怡色柔聲母俟怒釋呼起然後去故其孝行尤爲宗族鄉黨所稱

高 雯字昇遠別字弁亭邑增生少喪母每忌辰輒齋沐焚香朔望必肅衣冠問安於父榻兄弟同居最爲友愛

彭澤縣志

卷之十一

孝友

三十九

二弟故子甫六齡幼弟繼亡遺腹生子雯撫養教誨不異己子幼穎異過目輒不忘邑侯李松泰取以冠軍每試文出人咸誦之旣而屢困秋闈遂絕意進取作家聯云持已遵三畏存心凜四知可想見梗概卒年八十有六

以上舊志

畢義桂農人也性至孝甘旨奉母兄弟五人遵母教敦齒讓每食坐弟不先兄嘗助親弟芬薪水俾讀書有成母年九十二病沒桂年六十三殯殮盡禮葬宅後馬當山麓親負土成墳結廬墓側旦夕哀號不茹葷不雜髮不脫齊哀歷試風雷虎豹狐鬼諸艱焚香祝天曰無驚吾母人饋以金不受饋菓餌供母後仍還之山徑險阻其

子曰送水米雨雪無愆期遂成大路三年期滿始撤廬
知縣諶瑞雲詳請 旌表

曾德裕十二都農人足未履學塾而性極孝事承祧母如
親生母病癱瘋舉動須提挈裕服侍不離左右又患痢
疾裕夫婦更換浣洗無難色母沒悲號泣血水漿不入
口者屢日塋後依依墓側如孺慕然自是長齋茹素每
有所往必繞道至墓告曰兒今某適反亦如之終身不
輟生平坦直無隱事而舉止從容語言溫和有士大夫
所不逮者安得以不學少之

歐陽現字恆謙號蜀峰國子監學正鏊之仲子幼聰慧力
學性孝友年二十三遭母喪哀毀致嘔血鏊慰之曰兒

彭澤縣志

卷之十一

孝友

四十

甯不知有父乎不能稍自強以無重傷乃父心乎則泣
日兒亦知之顧心痛不可忍語未畢益號慟血淚交下
如是者屢慰不少解逾年卒論者謂現以哭泣隕天年
未足言孝不知子執親喪號泣擗踊有不知其然而然
著此孟子所謂性善也若現者其亦足志矣

高良璧字榮伯別字韻珊道光乙未孝廉幼失恃事繼母
以孝聞家貧母勞以操作竭力供命不懈於學年十八
入泮無立錐地資館穀以供菽水務得父母歡家庭中
無間言

艾黑子年十五家貧性孝母早喪同治二年父爲恂卧病
不起時賊蜂至聞者號竄黑獨侍父不忍離有勸之

者曰吾若走其如父何忍獨生耶賊入索得之欲擄之去不從遂怒斷其脰父亦旋沒

朱松翹事母孝母晚病癱瘓十餘年行起坐臥必親抱負飲食沐浴必親供奉終身不怠

汪春霆字方舟太學生事父母以孝聞父病割股和藥以進病立愈母病又如之凡有憂忿至父母前卽心平氣和鄉人至今稱焉

劉法良邑文生天性誠篤父杏園館省垣抱病良聞信奔視病幾革良急禱神前嚙石臂煎湯以進父病少痊昇歸三日卒其父不沒於路者蓋良孝有以感之云

義士

彭澤縣志

卷之十一

孝友 義士

四十一

明

段堯服邑庠生娶汪氏善事舅姑堯服硯耕江北歲一還家賴汪以紓內顧已而汪卒堯服年尚壯感其孝不再娶崇禎戊寅督學侯公按試學舉堯服義夫發落諸生侯公極加獎賞且歎義夫最難云

歐陽舒號龍橋性温厚有行誼歲捐租給貧宗族有難婚配者各資聘金並無德色

何彥彰字景光慷慨識大義河泊所舊有逆沙夾額外魚課河水漲涸靡常而鈔課征求是額民甚苦之彥彰獨毅然上請宣廟詔免其租人恒德之

劉世揚字汝登敦孝尚義患邑戶多虛糧逋賦日衆嘉靖

四十二年訴當道舉丈量賦役得均民賴以安

計 瓚字君錫剛直敢言請免縣前洲課除解竹木諸費
軍人懷其德

時邦曉性喜讀書輕財樂施嘉靖甲戌歲大饑疫道殣相望曉爲賑貸不責償出洲地四千畝給牛種令親友分種歲稔亦不取租其子大宗萬厯己丑歲侵遠近求糶曰吾積穀以備荒也豈爲值乎人各給穀少者以斗計多者以石計

計如週字子郁家素饒豪俠好義值鄉里饑爲粥賑濟三月賴活者多邑令雷時敏表其事於巡撫楊成旌以尙義匾額

彭澤縣志

卷之十一

義士

四十二

國朝

王 柱字宇瞻邑庠生性嚴肅不苟笑言娶童氏相敬如賓年二十七童故一子數齡有勸之續娶者則婉辭謝曰吾幸有子可以已矣曰則授徒夜則侍父潔居三十餘載邑令李松泰嘉獎之

曾珙章字共玉邑庠生少有志操動履不苟嘗爲鄉里平訟指示曰此陷穽也族有祭田所入一秉拱璋歲貸之秋計息斂焉歉則停息十有五年所存粟約千餘石會歲大饑殍殍載道珙章出所存以賑鄉人無菜色者人乃知珙章昔非計利也爲今日儲外府耳

歐陽煥旭字浴旦正直慷慨重義輕財康熙十年邑大饑

煥旭糴米數十石煮粥施賑本鄉

劉根漢字炎甫嗜學好義康熙辛亥大饑煮豆粥賑鄉人三日又冬日遇覆舟者凍將死漢解衣衣之其人歸備禮致謝弗受拜祝曰願公子孫世世昌隆漢生子傳爲名諸生孫堂吏科給事中曾孫鎮寶崇祀忠烈至今劉氏一門書香接跡可爲積善成德勸

項繼儒字翼先弱冠有聲譽序康熙初役派里長糧無牒券重爲民累繼儒力請各憲役賦以平通邑賴之辛亥歲荒施粥賑飢全活者眾邑令李遙獎以德望如歲匾額甲寅土賊猖獗鼓義勇捍禦殺賊地方悉保邑令喻親書義奮敵愾額旌之晚歲建宗祠刊家訓王令廷

彭澤縣志

卷之十一

義士

四十二

藩贈以貽謀翊化吳令士宏著其才德首薦賓筵

張啟時字四如四都人輕財樂義康熙丙申出粟賑飢凡遇歲疫傾囊施藥學使徐昂發贈以匾曰令德永芳年五十始舉森杏杰三子人咸謂德之所感云

萬 珍字君玉疎財重義昆季三析居已久兩弟家漸落心傷之曰何忍我有餘弟不足也爰出已產再爲分助明末左逆之變兵虜一少婦嚴氏置寨中時君玉無子贖之爲妾挈至家再四詰問婦以有夫告君玉悽然不忍犯命婢女爲伴另居一樓後婦母家訪至欲攜歸君玉恐有別故不卽與出數金令回籍招親夫至順治二年夫子騫仲果至婦語以故感激不已玉并贈路費遣

後別娶側室生子善一曾孫卷遊邑泮元孫人傑登
乾隆丙子武魁任泗州衛千總至今松騰聲皆列膠庠
人以爲盛德之報

柯炳煥字讚文少孤長事母克供子職生平疎財好施予
汪家渡捐貲置義船建橋亭行人利濟遠近賴之復建
大埠頭洪湖石橋數處古稱好義其庶幾焉

田蟾春字桂友敦善行喜周卹嘗遇窶人遺金泣於塗蟾
春解囊如數予之不求償凡鄰里飢寒者悉叨其惠不
炫已長不言人短邑有盛德之稱

曾遂盛字大乾少失怙事母孝質敏嗜學尤喜讀易中歲
絕意名場以教子課孫爲樂家故饒嘗日積而不能散

彭澤縣志

卷之十一

義士

四十四

是守錢虜耳因捐金建橋創亭周急拯荒無吝色年七
十七壽終

高 魁字英萬邑庠生家素封謹飭自守慕義好施親族
貧窘賑恤不啻再三丙申歲荒出粟賑飢全活者衆凡
遇道斃者必捐棺以座之人咸德焉

許殿邦邑庠生性好施與恤災濟急雖傾囊不吝適抵南
郡有鬻女者日萬氏萬固世族殿邦憐之攜歸養爲已
女嫁王門康熙丁卯邑西門火災殿邦出粟周之邑令
端木象謙贈以春回月旦匾額

高士奇字平六好善樂施康熙丙申歲飢士奇捐米施粥
以飼餓者鄉里全活甚衆郡守職分 惠濟流芳邑

令劉進旌以惠及翳桑匾額

汪潛字元常少英俊喜讀書長補邑弟子員方正自持於當事無干謁性尤重義輕財康熙甲子歲里有鬻妻償債者臨別號泣潛聞之得其故卽解囊二十餘金俾得夫婦相保越數日踵門叩謝潛曰惻隱之心人皆有之吾豈望報哉至今傳爲盛德事

劉道雯庠生尙義好施康熙丙申邑大飢出粟賑貸全活者衆邑令陳夢盛贈以眞儒惠濟匾額縣東烏砂坂地當通衢舊有橋雯傾貲重修以利行人三都大泊湖夏秋水漲兩岸相距不辨牛馬雯捐囊以助舟楫邑令宋若臨申詳郡守劉賜以好行其德匾額

彭澤縣志

卷之十一

義士

四十五

朱孔道字聖由好施予歲飢捐穀以甦困乏嘗道拾遺金候還之遺金者分酬弗受鄉黨推重舉列賓筵

高士前字在瞻國學生慷慨好義乾隆癸亥冬米價騰貴民艱衣食士前捐米以濟飢者製棉衣百餘領以給寒者時多賴之

高世俊字又千號謙堂援例授州司馬性孝友幼失怙恃事祖母奉養誠敬祖母年九十四俊溫清不怠兄嫂早亡俊懼沒大宗之產俾之承祧與弟友恭七十載生子八教以義方俱列膠庠乾隆丙午隣邑大飢俊賑粥周濟農人有屢佃未輸者俊給食并與牛種使耕如故親友凡有忿爭俊賠貲勸釋邑中大務每推俊首不辭勞

瘁不避羣囂歷任邑侯咸敬信之 以上舊志

丁世馥字佩蘭號紉之少有遠志長入粟授布政司理問性好義篤於爲善時郡邑祀典諸祠廟年深荒圯馥捐金爲之倡頓復舊觀其郡學大成殿及本邑奎星觀音等閣武廟下重則獨力捐建諸大憲以是愈重之尤喜濟寒峻試期無資者概贈外必以數金濟其家曰使無內顧憂以專於進取也每科皆然郡邑兩書院膏火寥寥肄業者苦之馥各捐貲以垂久遠士林胥受惠焉鄱陽某令與公善因事落職寓省垣不能歸馥以數千金復其官洲農某嗜樗蒲失業歲暮爲索逋所苦袖利斧將覓死馥見而憐之償所負予百金以贖牛種某感其

義改行致富償金辭不受晚年藏書數萬卷額所居爲聚書曰吾以是遺之子孫也年六十四以疾終邑中稱世德者猶首推之云

何益茂字瓊枝監生性仁厚鄰里貧乏周恤不少吝族有未婚者揭貲爲完娶試期助寒士資斧每科皆然嘉慶間重修下新橋鬻產捐百金取費者至門適益茂獨子殤趨趨未敢入益茂聞之卽具席相款又益以百金其篤於爲善類如此尤喜放生里有釣蛙者買而放之其人伺其去復取焉歸途相值曰胡久業此其人以貧對予十金俾改業晚年生子炳然食餼於郡庠後孫汝翼少慧有文名年十四以郡首補弟子員猶親見之

劉青雲字賓萬國學生性誠樸拙語言家不中資而樂於爲善道光間濱江各洲多坍塌墳塚崩墮雲心惻然顧夫沿河撿瘞之又置木桶千餘率子弟日逐頽岸遍爲踪跡撿八百餘棺葬之高阜皆無主墓也初雲夢數百人求救醒而異之及持畚從事岸搖搖將頽勢危甚雲爲私祝檢畢卽陷沒每塚皆然人傳爲異事

汪秀松字理持號古愚太學生生七月失怙二兄復繼逝依母氏劉以孝聞幼孤苦匪人欺凌百端至老不念有夜竊者親獲釋之卒不與家人道家頗豐宗族戚友有急力拯之後不能還悉焚其券課四子延師重道至今禮讓之風不衰皆松教也

彭澤縣志

卷之十一

義士

四十七

彭敬先二十都農人也咸豐初髮逆踞縣敬先狂走約鄉隣起義人皆掩耳敬憤惋欲絕聞里中曹陳兩茂才獨薙髮如平日訪見之輒三拜執手哭失聲家居奉

萬歲牌昏旦上香惟謹八年知縣謝紹謙閱團至又安局敬先控局紳不公初甚駭旣廉得其故曉之曰汝年六十三汝姪方十五勇册例不列名何不公之有敬先譁辨曰以我四歲與姪則我五十九姪十九皆合例矣固請執矛爲前驅謝笑而注其名乃大喜彭官保玉麟聞而嘉之給八品功牌楊熊武生被賊獲逼掌記室不從賊斷其四指

儒林

宋

高天錫號竹澗宋季嚴禁道學考亭之學幾廢先生究心
理學探不傳之秘續欲絕之統往來白鹿洞溯致知主
敬源流期於深造一時學者始知所宗趙忠毅嘗云與
友人高竹澗講明性理之學其推重如此一日吟卧正
寢俄云我欲還造化舊物矣奄物而逝祠鄉賢

鳳可翔雲漢龍紹興間豐城陳自侑於掘劍池南創龍光
書院聘清江陸子澄講授其中四方學者雲集二子不
遑厥家負笈重趼歷年二紀於子澄微言緒論無不貫
徹由是充然有得厭棄時名業龍光者以二子稱首

明

陶欽民字克明六歲入里塾如老成人成遊邑庠力學不

彭澤縣志

卷之十一

儒林

四十八

倦有詩云千古孔顏真樂地直須尋到上頭來陽明王
公開府豫章欽民徒步從之繼膺鄉舉遊國學師甘泉
湛公復師涇野呂公皆推重焉

高 廉字尚潔遊邑庠以次當升太學親老致養遂不應
選別博士詩云長揖謝塵囂首歸田廬篤學慎修縞
衣藜羹忻然沒身人稱涇庵先生

馮世盛八歲能文鄉里目爲神童長遊湛甘泉之門督學
高公必亨盛爲推重所著有三泉稿

王奉玠號象絃邑廩生少穎悟過人試輒冠軍遂於理學
所著先天後天聖賢心傳諸書焦漪園先生曾訂行世
以親老不就辟舉爲人篤於孝友年及期頤一日集子

弟 龍溪語錄忽神倦而逝流風餘韻被於隣境迄今
宿松烏池有王公祠春秋享祀歲以爲常子心約字彥
博學精品潔能世其業

國朝

何圖書字學傳性敏嗜學淹貫經史百家言植品以古人
自律雖燕居必正衣冠邑令王廷藩慕其賢造廬致敬
由歲貢任鉛山訓導造士有法多士仰爲山斗解任歸
杜門著述明察須叅經務通旨天涯識路石麓溪聲周
易銘等集鄱邑受業大司成王傳爲之序

王應昌字又介由歲貢授樂平訓導年已八旬猶勤於學
居官十載著四書五經通旨等書理本朱程爲學者宗

彭澤縣志

卷之十一

儒林

四十九

學使魚鸞翔贈號西山先生入樂平名宦

何 瑾字瑜三號果園又號如葺乾隆甲辰歲貢孝事父
母居長兄喪哭盡哀與人和藹終日振襟危坐動必循
禮爲諸生名噪黌序務根柢之學於十三經皆手抄成
誦諸史子集詳加詳點著有四子講義左傳類纂諸書
一時名宿多出其門胞姪謙士喆皆其所裁成邑侯高
公蟠敬禮之每商校文藝親造其閭鄉闈三薦未售遂
就職訓導賚志以沒

歐陽汝顯字起巖五歲失恃奉繼母以孝稱昆弟間友愛
悉至性嗜讀弱冠補弟子員旋食餼讀益力致得咯血
疾淡於上進年四十餘 恩舉明經爲課子弟是務嘗

誨諸子曰凡人讀書 當貴利達也讀書所以明理
理明則知義命庶無非分妄求之事爾曹勉之年七十
選廣豐縣教諭本無意仕途因廣豐地近鵞湖先儒
講學之地人文最盛欣然就道下車時進諸生勤講課
嚴取擇以孝弟實行爲先單寒之士尤加意體恤士類
感德慕行以文翁目之解組曰諸生祖餞攀轅泣下汝
顯爲人沉酣六籍下筆千言每試輒列前茅兼精醫理
十不失一卒年八十三子三人皆諸生孫曾輩悉列膠
庠不愧家風云

洪立模字貞運邑廩生敦孝友篤品行士人重之爭遊其
門教人一以古人爲範使生徒錄史傳嘉言懿行於座

彭澤縣志

卷之十一

儒林

五十

右其不善者亦手錄而朱抹之以爲戒嘗謂門人曰讀
書貴治其心耳因以畚心署其室且屬聯云立定脚跟
趨實地抖開肺腑對青天年六十頂貢未試而終著有
五經條辨長子文炳歲貢生次子庠辛酉拔貢皆庭訓
力也 以上舊志

劉 黻字賡揚號東橋性穎慧博通經史尤嗜吟咏學蘇
詩得其神髓自寫夢坡圖一時名士爭爲題詠乾隆壬
子座主吳白華先生得其文奇之曰此西江正派也拔
置解首應禮部試未售紀文達公知其名延主西席深
相器重中年絕意科名秉南康鐸教人以存心立品爲
先造就多謹飭之士晚年構叢桂書室課子孫以壽終

生平著述甚富四書正疑梓行其屋宿指南圖等書待梓

柯 翹字冠羣號楚墅恩貢生爲人超 閒逸不投世俗好家居以孝友稱幼慧讀書過目不忘長益淹貫工書尤長於古文秦芝軒中丞愛其才送入豫章肄業試輒冠軍性恬淡鄉闈屢躋意泊如也主講春衣書院十餘年一時知名士皆出其門晚年杜門息靜惟以著書自娛著有養正堂古文課兒草等書梓行

汪肇崙字崑瑛號韞石進士持孫也少讀書有慧解長益刻苦自勵文思日進家貧受經造就悉知名士嘉慶辛酉舉於鄉授新建教諭甫蒞任見 文廟傾圮卽會縣

倡修教諸生敦實行上游重之道光間葺新建邑乘考据紀載皆有法十八年以知縣截取未就未幾陞南昌府教授都察院都事銜越七載告歸享年九十一弟澹如號接水幼敏嗜學博覽羣書弱冠補郡庠性孝友慟父早逝事母能以志養乾隆甲寅歲試高等食餼在卽聞母疾不覆試而歸授經十餘年邑先達以學優品遂稱之

曾逢吉號藹士生而穎異甫弱冠中副車坐國子監聲望日隆公卿多器之性嗜善執義最堅司萬安鐸士多興起邑有事令不能理上游每函委焉公至立決以知縣薦辭不受咸豐間賊陷萬邑脅以僞宰公曰吾師一邑

若爲宰何以對多士不如殺我賊義而釋之密遣子書
雲赴官軍告急已而復其城周觀察玉衡素重公兩委
代理萬邑事蓋舊例所未有云

宗陳謨字伯榮號紀堂生而失怙家貧苦賴母柯氏勤儉
得從事於學性穎悟凡經史詩古文辭過目不忘年十
八補弟子員旋登乾隆甲子副車屢試不售遂以導引
後進爲心知名士多出其門生平耿介自持年甫三十
喪偶終身不續娶知縣張賦林聞其名延主五柳書院
相得甚歡越二歲司萬載鐸與諸生晉接口談經藝不
衰解組歸田卒年八十有一

頡詠霓字集純號仙裳恩貢生性方謹廉隅自勵處鄉黨

彭澤縣志

卷之十一

儒林 文苑

五十二

渾然不露圭角爲諸生五十餘年從未一入公門人咸
重之遠近延爲經師弟子著錄學宮者不下百餘人咸
豐初 詔舉孝廉方正知縣郭毓龍教諭李鏡蓉以詠
霓應選固辭不就學憲張芾因獎有儒行清芬匾額已
未 恩賜舉人粵匪之變合邑辦團舉詠霓總理永安
局久之見同人有不合者棄而歸築書室以養天和終
日危坐手不釋卷其耄而好學如此年九十四無疾而
終學者至今猶仰如山斗云

文苑

明

王應斗性敏學博爲文千言立就少時以詩謁大司成魯

公鐸云幾年道德仰餘光千里湘流上小航爲問門牆
如許大也容後學拜秋陽魯公見詩倒屣相迎遂爲忘
年友司夏津訓轉諸城諭士式楷模嘗鑄祭器濟貧生
尋歸著歸田錄

何 燻弱冠有聲藝林遊鳴山詩云十年燈火聯清夢萬
里風烟浪白頭所著有瀛河集古錄

國朝

宗元泰字晏如所居容膝耕硯養母不喜習經生業嗜作
詩與邑先達喻以恕劉覽元酬唱喻劉咸推重焉詩清
致瘦韻其入山草人多傳誦

何兆蕃字子宣邑增生幼穎異淹貫經史尤精易學究河

彭澤縣志

卷之十一 文苑

五十二

洛理數叅邵子書每占驗合符迥異識緯家數九工書
法才力過人然每避橫逆尙道義不任客氣家素豐捐
貲卹困破產不顧會里雜額無定奸胥苛索累民蕃奮
身以狀聞臺院邀請豁免里困以甦以孫儻貴贈建昌
府教授

洪岱齡字瞻巖號靜菴爲諸生時文名藉甚由邑廩登康
熙戊午賢書授鉛山教諭卓異陞吳縣知縣吳稱劇邑
岱齡下車後釐奸剔弊士民德之己卯同考得人爲諸
房冠如汪份諸晉尤最著者每簿書暇手不釋卷其仕
優而學如此

應治字允康號鳳林康熙甲子舉人幼聰穎讀書卽曉

大義長益嗜學尤精周易所爲古文一切皆近裏着已之言遊其門者卒成名士先是彭邑賦役未均有當年遞年之累治仗義鳴公勒碑永禁至今賦役稱平選山東金鄉知縣未任卒著有鳳林存稿

歐陽璞字廷礎郡廩生少奮志讀書通大義凡傳注所未及者往往以意會之爲詩古文詞典博深厚淺學莫能窺其底蘊生平以古道自處不尙華飾治家必以禮法門內肅然晚歲杜門養重惟以教子課孫爲樂子三儀崇禮皆讀書自好克世其家

周易斌字竹友邑增生共父鄉賓禮重產斌最後九歲始就學性穎悟從名師游博子史工詞賦郡守江殷道器

彭澤縣志

卷之十一

文苑

五十四

重之晚設菘竹園家塾杜門訓子吟詩自娛

汪鎮玉字六瑞歲貢生幼失恃事繼母鄧以孝聞性敏學博邑令吳士宏景其文行聘爲書院掌教以子文煥師之文煥後登榜眼致仕過彭聞玉沒嘆曰吾師古君子也文名之著如此

王煥瑄字自西少聰穎嗜學年十四補增生百家經史靡不淹貫所作詩古文力追先正扃戶自修課弟瑀珩皆諸生有學行嘗相誡曰讀聖賢書當思聖賢事無徒章句爲也未竟所志四十而終

歐陽欽崇字念功邑廩生幼習舉業務敦實行故爲文皆自道具中之所得雖屢試未售淡如也生平恪守庭訓

教子必以義方居城市如在山林惟曰與二三韻士以詩酒自娛公庭未嘗一私謁尤樂獎勵後學見一善若已有必孳孳訓之士賴以成就者甚衆大理卿熊暉吉贈以藝林翹楚

汪鑑淑字儀一十歲能文十二補弟子員十七舉拔萃科

貢入太學授新喻教諭時喻邑 聖廟圯淑捐貲修葺課

士一本先民矩矱如張子遠晏一齋皆手拔士卒成名元碩輔外艱服闋補饒之浮梁其造人亦如新喻人以胡瑗稱之淑性孝友樂施與致仕家居鄉里仰之邑令李兩舉飲賔以風世焉

陶聯桂字明思生平尚氣節不作脂韋態蓋方正其天性

彭澤縣志

卷之十一

文苑

五十五

也由歲貢訓導臨川教育栽培雅得士子心處同官惟以詩酒爲酬酢時李穆堂先生贈以氣凌彭澤之樽光照臨川之筆一時爲美談焉

友桐字榆芳聰穎嗜學弱冠通經史百家言以首選貢入成均授興國教諭諸生進謁必爲剖析疑義語不及私壬戌六月興邑大水浮屍不可數計友桐倡諸生訂同善錄捐貲掩埋在任十年改大成殿葺明倫堂建尊經閣皆親爲倡率歸里年七十餘猶購書萬餘卷其嗜學蓋天性然也

丁 濬字覲宸湛裔孫幼失怙事母以孝聞嗜學好古文

準先程後學多尊師之田邑廩登雍正癸卯賢書癸亥

截選至京以疾歸沒爲人剛方嚴毅有忠諫風

計大表字裕中沉思嗜學強記博洽論孟學庸性理諸書無不參解精粹所著詩古文章清逸酷似晉人

田國福字攸萬英年負重名文追先正詩字爲時所推器識淵涵絕無城府兄弟間友恭著美士林尤敬服之

凌鍾繼字述昭父早沒母歐陽氏遺腹所生幼穎異甫就塾儼如成人弱冠補諸生益自力學文章行詣力追古人事母孝老而彌篤五十領歲薦痛母苦節籲請旌表

歐陽坦字思訓明太常卿一敬裔也年十三能文章讀書通曉大義雍正甲辰補弟子員乙卯貢成均乾隆戊午

彭澤縣志

卷之十一 文苑

五十六

登鄉薦當未第時出都門有他年若得逢歐冶寶劍原來未折鋒之句至戊辰果捷南官歸以疾卒時論惜焉王化字于南幼聰穎嗜學窮經史子籍天文地理及卜筮醫命之書靡不究極精微爲文章筆雋而氣昌試輒冠軍以郡廩聯捷進士家極貧事親先意承志舉動悉以禮法自持座主金公姓贈以聯云風月襟期江海量英雄膽氣聖賢心蓋深許之也年三十二卒於家無子士林惜之

歐陽鶴鳴原名銳號書山性聰慧少有異才學爲詩古文詞卽能驚人稍長博覽羣書究其精蘊有所作揮臺立就時人稱爲才子鶴名旣高猶思所以擴其見而其

才於是遍覽名都大邑冀以識天下 至桐城留詩於
張文端公五畝園中爲張君墅堂所賞遂歎至其家與
若澹公弟兄唱和乾隆庚寅舉於鄉屢試禮部不第山
右澤州守劉公開燾延主體仁書院澤之士奉以苦口
婆心匾額門生胥繩武令萍鄉聘爲鰲洲書院山長主
修邑乘結撰經營成於一手閱萍志者咸稱善焉著有
文家秘要一卷行世

陶觀梅字怡然少博覽長專致力於四子書旁及左氏傳
其意以四書爲經左傳爲緯人能通是書則身心之間
家國之際裕如矣爲文醇茂古樸似荆川震川兩家乾
隆庚子舉於鄉屢試春闈未第後秉鐸崇義縣崇之士

彭澤縣志

卷之十一 文苑

五十七

稱爲惜陰先生著作甚富惟崇義草尙存

項 邨字新臺歲貢生資才敏捷積學淹貫其著作揮毫
立就如夙構爲諸生三十餘年試輒冠軍秋闈屢薦試
藝出雖宿儒莫不擊節稱善仕宦家爭相延致一時登
賢書捷南宮者多遊其門子珠光郡增生玉光歲貢生
年八十猶諄諄以誘掖爲事邑人重其品學延掌春衣
書院

饒廷訥字敬存戊申副車歲貢生饒鞏長孫也少謹樸敦
篤孝友讀書務根底之學經史百家靡不研究評點手
抄左傳春秋易經編輯類目可爲後學津梁所存詩古
文詞宏深肅穆追宗班馬暨唐宋諸大家一時名蜚加

陽湖惲敬新建曹熊咸推重之著有陶南集

汪在璽字辰玉號耐齋歲貢生性孝友淹貫五經有文名年逾六旬父泰交猶在堂父病親侍湯藥父死悲哀毀瘠三載不食酒肉兄在璞早逝璽待孤姪如己子養育教誨卒皆成立所著有金鍼集以子鑑暑贈修職佐郎畢太素字彥升號筠莊邑庠生性明敏博極羣書文章詩古組織成一家言著有嚶鳴雅集一時知名之士迭相唱和閒則寄與丹青有規倣摩詰之意

黃紹元字萬冕號廬峰附貢生品誼端方持身廉潔性嗜學每見奇書必重價購之家雖貧而牙籤滿架誦讀之聲弗輟所作詩古文詞力追先正著有澄清堂文稿蒼

彭澤縣志

卷之十一 文苑

五十八

山穀語詩稿爲雲間吳世賢金谿黃師圖所賞鑒孫錦鏌銘鎮皆諸生人謂淵源有自云

劉法賢字蔚芳號又臣性孝謹天資粹美十八歲遊泮二十一歲領鄉薦時主司爲王勿菴以銜胡印渚長齡兩修撰得其卷深嘉賞爲文沈浸濃郁靈氣往來嘗謂讀書人以立品爲先文藝次之功名又次之以歐陽文忠公范文正公自期父種桃課讀嚴母何孺人多病奉養無間養志承歡宛然孩提之狀已已試南宮卒於京邸聞者莫不殤惋著有又臣遺稿子樹訓登道光壬辰賢

書 以上舊志

張錦枝字斯製一字佩瓊號四香將誕夕母夢庭樹張錦

古芬四溢已而公生幼穎異日誦數千言爲詩文援筆立就弱冠舉於鄉嘉慶丙辰成進士選庶吉士己未散館授編修充文淵閣校理實錄館纂修官初公應廷試以二甲第三卷進呈 朝考又高等詞垣供職朝廷大著作多出公手纂修 純廟實錄告成 召見便殿 賜御硯 御墨轉宮贊 允洗馬侍講侍讀等官一歲五遷詞臣異數旋授日講起居注侍直 內廷尤加勤慎兩主鄉試一充會試房考教習庶常多以經濟文章顯年四十任國子監祭酒以外憂去官服闋卽請終繼母養主講豫章鹿洞諸書院江右文風爲之一振嗚呼觀公之所以致身

事親與其所以立教學者之尊信而樂從豈偶然也哉汪鳴相字佩珩一字霈蘅號朗渠其先世唐越國公裔由徽遷彭之黃花坂世族也公生有異秉聰穎過人落筆超特試輒冠其儕偶道光乙酉受知於李芝齡宗昉以選拔充縣貢壬辰受知於許玉叔球中本省鄉試癸巳聯捷成進士 殿試一甲第一名 賜及第授修撰公形貌昳麗臚唱出班風度已簡在 帝心矣輦下供職宗子多受業於門迎養舟至定官舍顏其課兒室曰啟瀛有遠志焉甲午充順天鄉試同考官乙未充廣西鄉試正考官歸途丁外艱未及親覆典試之命扶櫬南旋里居二載戊戌夏服闋北上時 特旨

每日 引見翰林二員公後至掌院以名單進
召見勤政 殿 天顏溫霽 訓誨周詳並詢及迎
養在京近狀 以將大用期之不數日報丁內艱是年
冬又扶櫬南旋眷口仍留京邸己亥葬親事畢庚子二
月服將闋公有南贛講席之行買舟河干忽一夜自經
死噫可異也公固神仙中人偶落塵境科第文章照耀
千古堂上二親大事克盡揮手而去尙何憾哉公仲子
士式己酉拔 孫祖蔭祖護皆以總角遊泮或謂此繩
武之兆云

彭振瀾原名挽瀾號志齋淵默高簡留心經世之學爲文
沉博絕麗殊不類其爲人少貧窶不能就傳學嘗牧犢

彭澤縣志

卷之十一 文苑

六十

聽經菽蹲鴟者耗於野豕嘆曰芋頭未滿斗瀾笑曰可
對卷耳不盈筐從祖增生元吉奇其慧授餐教讀三年
通五經試爲文命筆警絕曰此非我所能教也邑名宿
陳元福鐸於近村具衣冠送瀾拜受業膏火館穀皆資
之由是名蜚鬢序郡伯張寅策屬邑利病瀾上書洋洋
萬言張禮聘入署訂國士交乙未中經魁張爲南昌守
賀主試得人蓋以遠大相期也而瀾卒未第選鉛山教
諭弗就以辦團加內閣中書銜掌教五柳書院所著詩
古文皆散佚其團練紀畧修史試筆書成皆燬於賊時
論惜之

曾光璧號矩山拔貢生博聞強識涉獵最多爲文吐一

切直湊單微深入顯出無一語 拾人牙慧每一篇
遠近傳抄珍猶拱璧教人以根柢爲本必窮經研史熟
精文選然後涉筆從遊多名下士論者謂君行詣 金
玉詞翰如珠璣煅煉生徒如洪爐大冶時以爲知言
何一暑號品石幼有文名嘉慶辛酉拔貢戊寅省試房考
竒其文薦太力致落副車揭曉見爲明經弗錄遂絕意
進取生平尚氣節居城市絕跡公庭邑宰咸重之主講
五柳書院造就多知名士居喪不用浮屠晚年泊於世
務惟以課孫自娛咸豐初選靖安教諭比郵報至已沒
三月矣

高炳馭號雙竹少慧曉音律能詩古文辭嚴虛白主講鹿

彭澤縣志

卷之十一

文苑

六十一

洞時竒其文許爲西江一枝筆王省崖相國視學至九
江闡中得馭卷拍案嘆賞曰此仙才也館閣中殊不多
得是科拔萃獲首選游 京師不遇歸年三十賁志以
沒著有紅雨山房詩集

曾書雲周鶴齡項俊昌三人年爭先後長均以文名伏一
時曾號望三爲文得力於其父逢吉所刊邑先正陶南
集頗具根柢周號琴叔項號甸民文皆英氣逼人然曾
得道光丙午一科久困 京華鬱鬱出爲湖南客死周
則庚子魁其經程墨播之直省終放廢於馬當塵俗
項之入拔萃選年甫弱冠座師謂爲名場捷足乃奔馳
南北試卒不獲一科晚值髮逆在境怒其不蓄髮橫被

楚 外家病恚死且三人者均不見理於衆口嗚呼科第何物困人竟至於斯讀杜詩所云欲殺憐才則評隲其生前與流連於其身後非朋友之責而誰責歟
篤行

明

曾 輝遜之子少承家學見古人忠孝大節卽發 思躬蹈之稍長多病父母戒毋苦舉業輝曰丈夫不仕則耕耳安能自逸取敗乃力耕爲養家用以饒遜尹金堂廉吏輝能仰承之平生不喜知人過聞輒掩耳遇人有急赴之恐後終歲家稍落稻甫登場責者環立輒散盡母壽八十輝亦六十餘事之猶嬰兒之在膝下比臨喪

彭澤縣志

卷之十一

文苑 篤行

六十二

哭泣擗踊哀動鬼神每祭輒涕泗橫流雖八十後不少替輝雖隱於耕手未嘗釋卷所採錄經史百家名言及自著漫興詩歌數卷藏於家郡守禮請鄉飲數不就括蒼鄭公躬造庭勸駕爲一往因謝曰某布衣分不得在尊重所未敢就者懼不稱折福耳子璠刑部員外郎比考績將膺封未及三月而輝已卧病不起彌留之際次子詭請曰貤封將至願上冠服輝握手曰兒休矣君命一日未下我猶布衣第還我角巾野服葬安也卒贈刑部員外郎以孫省吾貴累贈工部尙書

畢 瓏字士寶孝友信於宗族鄉里有爭多取平焉課子

讀書尊師友始終無倦

國朝

項作璉幼尖怙鞠於母氏學成而母復逝傷不逮養遂絕
意科名謹身敦倫與鄉飲縣令龔九鼎爲作隱君傳
何兆愷字君摯少負才名因子圖書補弟子員遂不就試
築室山中琴書自娛不近顯宦居恒布衣蔬食嘗語人
曰當爲造物惜福

畢煥芬字實右郡庠生孝友傳家詩書垂後至性剛方言
笑不苟焚券濟貧士民稱之

歐陽晟字長寅都司鉉季子年二十舉己卯鄉試甲辰成
進士聞母病歸未抵家而母故晟以祿不逮養遂絕意
仕進歲時祭奠哀毀如初喪誠動左右與伯兄光仲兄

彭澤縣志

卷之十一

篤行

六十二

燧友愛一堂怡怡如也性嚴毅剛正不假人辭色邑公
事多倚賴之人每服其公平他如解囊全節出粟賑飢
成人宗嗣其美舉更難屈指臨沒誠子勿事浮屠今皆
仰其風云

汪在衍字廷嘉郡增生幼賦岐嶷器宇淵粹鄉試三薦不
售遂絕意進取著有澹園文集玩月軒小草性孝友事
親誠恪常以忠信篤敬自銘每呼其子漣清誠曰儒者
立身天地間當處事無忽心與人無欺心然後可以中
行獨復故其子文行交修皆衍教也

袁勲元字紀常讀書貫穿經史尤究心黃帝素問之學負
經濟才不得志遂假岐黃以濟世家世清白相傳鉛華

不事爲鄉黨法邑令吳士宏舉飲賓焉子三以次子學
謨貴贈處州同知

何邦英字若采補邑弟子員教學三十餘年里中名宿多
出其門範身以禮法未嘗繩人然望其儀度自生敬畏
雖素狂放者胥斂容肅志也公平渾厚終身不入吏庭
允稱有道君子以子儻貴贈建昌府教授

凌應臚性穎慧善屬文補邑增生足跡不履公庭生平存
心忠恕無怒言忿色鄉里咸親愛之父母逝哀毀骨立
手足折撫姪如已子尤爲大節可風

汪之淮字會沂邑庠生性喜書籍時左寇燹民居至淮室
見積書充棟不忍焚生平以篤實自處雖饒於財無驕

態常分有餘以濟人急積券盈筭不償不問也晚歲以
遺書課子孫戒勿市利而失忠厚之風至今鄉里稱之
歐陽映翰字雲祥號篤菴厚重少文治家以禮法子孫數
十人舉食長案分長幼列坐內外肅然鄉黨晉接非衣
冠不敢見買山墓母置祭田翰獨力經營不取貲於昆
弟邑令吳舉爲飲賓子六五光緒庠生有學行舉鄉飲
正賓

饒有任邑庠生舉大賔性質直以古道自處而待人溫和
雖對僮僕雍雍如也教子弟務以禮法見坐立跛倚必
面責之每日人家子弟多以縱而敗以嚴而成吾寧爲
其嚴者享年九十臨終整衣冠而坐猶以 飭自好諄

諄訓誠後人

林正字雲樹歲貢生聰穎嗜學善屬文屢試冠軍邑知名士多出其門生平質樸嚴毅以禮自律亦以禮律人見人有過輒攢眉若不可一朝居其梗概如此汪通治字霖潤邑增生沉潛伊洛之學不尚浮夸嘗語學者曰時藝弋取科名耳實在工夫須從倫常着力倫常有忝百行莫贖故一時從遊者多謹飭之士項師昶字重裘性穎異讀書輒不忘髻年補郡庠壯歲領歲貢生平嚴於自律足跡不履公庭文章品誼爲邑推重知縣李祖且嘗過廬咨訪贈以君子人也匾額繼任李松泰曾立傳以紀之

彭澤縣志

卷之十一 篤行

六十五

凌應拔字居謙少聰穎因母患瘋疾讀書寢門弱冠補弟子員旋中庚子副車資硯田以奉親上有五兄皆早世撫諸姪恩同己子嘗立宗訓二十條諄諄訓諭族人教授生徒亦以身體力行爲要士林中首推篤實焉

周九穀字孫貽郡增疾周旋調護久而弗懈宗族以孝稱穀然曰事耳何敢言孝又嘗拾遺金一囊守失金者還之生平多懿行有雅度邑令劉進稱爲金玉君子

程謙字士光邑廩生敦尚樸誠斥遠浮佻妙齡入黌序屢困鄉闈絕無愠色惟恂恂然恪守卧碑課徒教子以讀書窮理爲務提學王嘉行舉優示獎

周家震字六長稟性孝友制行純篤每言讀書做人必實有見地屢試不遇規行矩步人咸尊之

歐陽明泗字儒瞻性謙和有量讀書淹洽以接引後學爲事嘗戒其門人與子曰君子小人分途不外敬肆二字作功過箴規書於壁以自警

劉世楷字廷謨號愼 邑增生世居卓里身負異才而務爲沈潛之學嘗謂 書不通經史如無楫而濟江河居心不曉大義猶無炬而入幽室孝慈友弟忠信篤敬乃食之醯醢不可一日無者也識者以爲名言居鄉能任恤不爲財吝歲歉捐貲賑濟洲民邑侯高尚禮以同拯疾苦旌之後建立家塾置義田高又親製序文並贈以

樂善不倦匾額今子孫庠序相望以禮法稱於士林
劉名青字匡夏幼穎悟侍父習舉業父故獨依母居性孝友每自外歸必先趨母所問飲食勞苦後家小裕居室湫隘弗計先營書室數椽延師教二子處家最儉惟奉母與師不少吝鄉里貧乏者量力周之喪不能葬者助以棺村居後有涼亭一夕風雪中有死者青聞之卽買棺葬於亭之西岸其孫黻銘石墓前號爲涼亭君者是也村西有毛姓無主墳三塚青每歲清明必祭之戒子孫使勿失今亦立碑墓前家有老婢常囑家人曰此姥及汝輩五六世矣先人所遺必善待之其教子孫率以讀書忠厚爲本故至今不失家法長子遇以府首補郡

增生次子遴太學生遇子韻黼黻綬皆增廩生黻中乾隆壬子第一名舉人曾孫開元開一皆列庠序夫婦俱八十餘歲

曾慰考字思孝號蠡堂世居縣之九都喬亭祖心省歲貢生任臨江府訓導父宏緒拔貢生中式康熙已知科舉人蠡堂年甫七齡父沒事母氏朱最孝敬侍兩兄篤友于之誼刻志讀書學先根柢補邑庠生屢赴鄉關未遇構家塾授經惕惕然以承先啟後爲念取詩書中及先賢格言手抄成帙教子弟有禮法待人嚴正不苟狂放者望之自爲斂容遇事平以禮規以義從容勸導衆志帖然稱服不至構訟於庭生子三長選遇乾隆戊子科

經元官福建建甯縣知縣次道涵歲貢生季選達乾隆庚子科舉人官山東榮城縣知縣長孫守一乾隆丁酉拔貢由永新縣司訓陞南康府教授旋任安徽休甯縣知縣山西萬泉縣知縣長曾孫怡志郡庠生分發安徽候補州同其餘或列明經或遊黌序皆蠡堂培植之力也享壽七十有五

袁大中字篤忠少有文名爲邑增生初中父學謨家貧嗜學客遊京師二十餘年始領順天鄉薦成進士當學謨留京時家愈貧幾無度朝夕大中挺然自立不以貧累其母汪宜人賢淑益激勵之以故有聲庠序後累試不售遂援例授光祿寺署正性慷慨由貧困轉歷豐亨愈

好善不倦捐置義田凡族中貧乏者試場資斧祖祠祭祀皆取給焉享年六十

曾 述字孔源邑庠生賦性剛直笑言不苟事父母備極孝敬處兄弟無分畛域好施與重然諾學宗朱程質樸有古人風建置山泉書屋爲義學藏書數千餘卷以延師課讀爲急務值歲旱分積穀賑卹困窮鄉人不戒於火出貲力救贖人鬻妻終不告人每歲臘底其村有孤貧無依者必計口分給寒衣錢米贍之鄉鄰咸頌不衰今子孫皆成名

朱清晟字寅畏郡廩生性篤天倫老猶孺慕父母卒哀毀幾絕每至墓所必悲號終日不忍去其學務根柢訓子

彭澤縣志

卷之十一

篤行

六十八

弟禮法森然家貧授徒於外每教之敦倫立品不徒拘拘於文字之末以故遊晟門者率皆務本土卒年六十餘子師洛郡廩生

汪 拔字萃山號慮菴髫年補弟子員素以孝友聞父老倦痿痺行止不遂拔常負之宴遊族里以博其歡兄早故拔撫孤姪如已出凡祖宗墳墓祭產皆捐貲培植親房無嗣之墓嘗爲立碑爲人守正不阿常榜朱子格言於室每月朔必焚香讀之家世豐裕而儉樸自處見親族貧乏者恒憐念周恤至今鄉里猶稱之

計 偉字國光號恕堂太學生資稟勁特氣節光明而充養沉粹無復圭角敦行孝友克底雍和強恕之中若有

成法平居恂恂無甚可否及酬酢事故斷以義理則有
截然不可犯者 以上舊志

歐陽整字岡竹筠村其號少失怙恃事繼母能得其歡
既長刻勵於學入邑庠旋食餼教授生徒以爲養屢領
鄉薦未售念家益落食指益繁仿古懋遷計業稍起而
所至僉尊之曰先生凡不名而先生云者不問知爲整
也性溫厚雖橫逆不爲較遇後進必課所學而獎勵之
其自處清苦特甚而不苟取與遇窮困則樂施以濟急
鄉人某負整逋遠出其妻病劇饋之藥而賙恤之某歸
而感泣嘗挾重貲僦歸舟人故泊蘆洲不進心知其盜
然無如何忽有來舟遙呼曰得非先生耶風利胡泊此

問之曾濟其急者也遂挽整過舟以免於難乾隆辛亥
貢明經嘉慶丁卯 恩賜鄉舉明年以捐修 學宮不
果北上身親庀材鳩工葺事又明年試禮部 恩賜國
子監學正甲戌選授建昌訓導至則以躬行實踐教諸
生居三年見同官有不循分者慨然曰孰謂此冷官易
盡厥職哉遽解組歸庚辰得元孫五世一堂 恩賜七
葉衍祥匾額人咸謂整以一諸生三受 朝廷寵錫
年幾八十猶走數千里赴春官試固其精力神明得天
獨厚要其生平歷艱苦困阨而忠信篤敬以貞其守至
耄不衰則所以享此福壽康寧者豈偶然哉年九十三
以壽終孫曾輩多以政事文學顯

歐陽巢字斐粹號玉樓生未週二歲而孤母氏錢賢淑曉大義嘗警教子若理髮獨子不可無教猶寡髮不可廢梳也卒以母教卓立爲一鄉望天性嚴毅遇事正直是與雖孤露不撓不阿族黨不平之訴折以公理直言如繩削斧斷人咸服無終訟者家中貲而樂與人爲善見戒溺女文發願自十世祖以下族人產女彌月送白金一兩雖自憾力薄弗能及遠然鄉隣溺女之風亦少息焉爲大宗小宗營祭產尤竭一生心力或創或因務使出入有餘裕至疾革猶分命諸子各承一祖祭事應曰諾然後目瞑也惟念母氏育子之閔居恒言及淚痕必交睫暮年節朔祭墓必親必哀每以母賢未及登志

傳爲一大恨誠諸子讀書須博封誥以光潛德迨後七子均列冠帶長子麗登賢書截取到班道梗未赴 例贈文林郎五子燾團練保舉五品銜同治二年成進士籤發山西代理沁水縣事 覃恩 誥贈奉直大夫錢母爲太宜人竟成厥志云

周日庚號蒹白邑優增生學有根柢下筆不落恒蹊屢膺鄉薦未售遂棄舉子業經理家務家稍起凡戚黨中有急必竭力調之從無德色事父母極孝母老病卧床褥親侍湯藥衣不解帶者月餘事孀母柯氏尤謹柯青年守志一子早沒家貧無以爲依公獨瞻養三十餘年喪葬盡禮并以已次子嗣柯爲孫另籌祭產性尤慷慨遇

事踴躍直前鄰里有爭輒爲排解人皆服其正直邑
向無考棚書院嘉慶初與諸鄉耆協力創建蔚然大觀
而於書院經費尤極意籌畫至今生童膏火賴之以子
劾官河南 覃恩 誥贈奉政大夫 晉贈朝議大夫
累贈通議大夫

張秉煥字青選號潔軒太學生家世書香爲明經公銘堂
第三子明經公以高才碩德爲時儒宗諸子承先澤皆
專於學獨以家事無人綜理器煥才弱冠卽爲納粟時
煥郡試方前列非其志也以父命理家政內外井井兄
弟服其公性和而介鄉里爭競據理勸釋人皆知感尤
好宏獎士類憐才好士推解無稍吝以是家日落晚歲

生幼子甫八九歲煥課之讀族中老農勸曰家貧非耕
不活盍以幼子出拾柴薪煥笑曰貧者士之常青穉吾
家故物豈以貧隳先業哉課讀益勤家僅田一畝二分
賣以供膏火皆謂古言教子不留田半畝煥是矣年七
十二以疾終子經畬己未舉人

歐陽麗字炳之號煦人少負幹濟才年甫三十登賢書截
取縣尹到班以道梗未 其志道光間 文廟傾圮麗
首議興修勞瘁從事費節於舊而規模壯麗甲他邑五
柳書院數圯於水考棚亦相繼頽落麗 次繕修卒復
舊志他如祀典各祠宇或移建或造創或補葺數年之
問百廢具舉總理邑巾公事三十年邑宰咸重之居家

能繼先志父巢設法興祭未竟而歿麗卒其事訓諸弟
皆以科第文章顯鄉黨有訟麗至卽息卒日士林悼之
劉向藜號桂園歲貢生幼孤嗜學涉獵最富性渾厚不露
圭角言動以禮與人以誠親故窘迫輒恤之晚歲玩心
神明類有道者著有讀易心解省身錄史評等書待梓
高利賔字協奇號用齋歲貢生博通經史善詩古文辭凡
名家象數靡不精詳日持古史批閱鎔鑄宏深耄年猶
手不釋卷舉鄉飲正賓以孫梯官徐海道 誥贈資政
大夫著有問居偶錄草待梓

方步瀛字朗仙恩貢生明經德門之子也少負雋才長邃
於學性誠樸愛 逸課兒之暇布衣瀟洒適意釣遊若

無心於世務者咸豐八年曾節相領兵東下建德李濟
元謀起鄉團以應之格於衆不就瀛密陳於節相札李
委辦團營事衆議遂定一方賴之其決大事聲色不動
類如此子家模己未進士

周洪春字子誠號亮齋歲貢生幼聰穎好讀書詩文逸趣
橫生試輒冠其曹偶性至孝尤篤於倫誼季父母早世
遺二子藐焉始孩父母育之春體二人意視之如胞生
年二十七失偶子女俱幼有大家某愛其才且欽其品
欲妻以女春婉辭之終不妻人尤以此多之然終未獲
一第殆所謂豐於才而嗇於遇者也

唐

李中白號元通子邑人抱道寡合隱城東之富陽山建

賓亭 皮日休記

明

陶 埜字仲文少業軒岐年十二遜菴李中 因疹脉奇
之嘗諸陽明王公求心性之旨公曰舉世皆醉君獨醒
後遂號以醒翁云

歐陽珍字良玉眈意經史能詩文甘貧樂隱不趨勢 年
八十而終

何文學字勉之篤志好古居石壁山下遇學者輒語以孝
弟可爲堯舜之理卒年七十有一著蟋蟀秋鳴石壁樵

彭澤縣志

卷之十一

隱逸

七十二

唱等集

凌雲翼字雲卿邑庠生篤志佔畢不事生產後并絕意進
取不復與諸生試弟雲奇字印可少時不屑毛錐嘗馬
上 槩有乘風破浪之志已而放於詩酒嘗吟曰藏身
金穴雖男子埋骨糟邱亦丈夫因別號酒民晚精醫爲
人治病不受謝得醉而已

國朝

葉曰頤字孚吉康熙庚戌與劉曉仗劍北上甲寅闢滇疆
順承王及都統范某副都統祖某領兵五萬長驅荆襄
掃靖餘孽攻守七年有餘日頤與劉曉從 協力調護
軍機曰無停晷庚申春西南平曉以功得官曰頤以母

老辭歸曰與親友詩酒盤桓屢薦不起范都統知其志不可奪書手援天下四字贈之清風亮節有幼安元亮之風焉

胡伯超字惟聖卜居蔣灣之月山不求聞達終身饒樂

張京謨九都嵐陵人性疎宕不屑治家人生產博覽史傳慕陶靖節之風自號菊存居士薄田數畝命五子種秫以供釀室中列瓶盞日與鄰叟暢飲惟四子旂奉壺侍醉則爲旂講析書理俾望古作規勿染近時儂薄習鄉里紛競得菊存一言解之咸欣服有告匱者輒傾所有與之不少吝今嵐陵登科第者皆旂後裔也人以爲有

隱德云 以上舊志

彭澤縣志

卷之十一

隱逸

七十四

汪 號芝山學博瑞孫也性聰穎博覽羣書不屑舉子業亦不事生人產年二十二失偶誓不續娶好遊名勝題吟甚多詩長於古體獨往獨來梓有芝杉詩草行世尤精畫法有摩詰風晚年著有易經圖說推廣河洛未成而卒

周子莊號芥舟布衣能詩與兄光墻齊名嘗慕黃鶴樓之勝徒步而往嘯吟其上慷慨懷古意洒如也應試不遇遂棄帖括日以詩酒自肆爲人磊落有奇氣結交傾肝膽尤赴人急道光間遊京師時項孝廉瀾病逝同人望望斂手去子莊傾囊爲殮扶瀾柩三千里歸葬士林愈重之晚年遊豫章竟以客死署有小 堂詩草行世兄

光墻歲貢生能古文嚴簡有法著有峩峩軒詩古文集
惜家貧未梓